

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation


Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:

- + Ne pas utiliser les fichiers à des fins commerciales Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + Ne pas procéder à des requêtes automatisées N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + Rester dans la légalité Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.


À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse http://books.google.com









Altuburation loto


162 162 1773

•

•

.

·





CEUVRES

DE

JEAN DE LA TAILLE

SEIGNEUR DE BONDAROY

Publiées d'après des documents inédits

PAR

René de Maulde

Ancien élève de l'École des Chartes



 $\mathcal{P}A\,\mathcal{R}\,IS$ LÉON WILLEM, ÉDITEUR

2, RUE DES POITEVINS, 2

1879

and the state of t

.

ŒUVRES

DE

JEAN DE LA TAILLE

JUSTIFICATION DU TIRAGE

100 exemplaires, papier de Hollande. 250 — Vélin.

Le nº de l'exemplaire est au tome *

Mayenne, Typographic A. DERENNE.

ŒUVRES

DE

JEAN DE LA TAILLE

SEIGNEUR DE BONDAROY

Publiées d'après des documents inédits

PAR

René de Maulde

Ancien élève de l'Ecole des Chartes.

ÉPITRES. — HYMNES. — CARTELS. ÉPIGRAMMES. — ÉPITAPHES. — ÉLÉGIES. CHANSONS. — SONNETS D'AMOUR.

> Dieu qui habite au ciel a tousjours en soucy Ceux qui aiment justice et qui la font aussy : Et tousjours en honneur storissent leurs enfans, Et ne meurent jamais qu'assoupis de vieux ans.

> > PARIS

LÉON WILLEM, ÉDITEUR,

2, RUE DES POITEVINS, 2.

1880

REMONSTRANCE

POUR

LE ROY CHARLES IX

. . · .



ellary 14 & ThumeNOTICE 4-10-41

REMIÈRE œuvre de Jean de la Taille, la Remonstrance a obtenu un vif succès, et outre l'édition qu'en a donnée le poète, en 1572, dans le premier volume de ses Œuvres, à la suite de Saül le Furieux (Paris, Frédéric Morel, petit in-80), on en compte huit éditions, toutes de format in-80.

1º Remonstrance pour le Roy à tous ses subjets qui ont prins les armes, par I. D. L. T. D. B. (Jean de la Taille de Bondaroy), escuyer, à Paris, de l'imprimerie de Frédéric Morel... 1563, avec privilége du 19 octobre 1562 en faveur de M. Jehan de la Taille, escuyer, 8 ffos;

2º Autre édition de 1563, chez le même, mêmes conditions; elle ne se distingue de la précédente que par de légères modifications dans la composition, notamment dans la composition du *privilège*;

3º Remonstrance etc., par I. de la Taille, à Lyon, par Michel Jove, 1567, avec permission, 15 pages, in-8º. Édition courante, sans privilége;

4º Remonstrance etc., par J. de la Taille, escuyer, à Paris, de l'imprimerie de Frédéric Morel... 1568. Même privilége que ci-dessus. 8 ffos;

- 50 Mêmes conditions, même éditeur, 1569;
- 6º Mêmes conditions, même éditeur, 1570;

70 Remonstrance pour le Roy à tous ses subjects a sin de les encliner à la paix, reveuë par l'auteur et accommodée pour les premiers et derniers troubles, à Paris, de l'imprimerie de Frédéric Morel... M.D.LXXI, avec privilège du Roy. — C'est celle que nous suivons, en indiquant en note les dissérences qu'elle comporte avec la rédaction primitive. Le privilège imprimé au verso du 8e so, en date du 18 octobre 1570, contresigné H. de Varade, est un privilège général pour les Œuvres poétiques de M. Jean de la Taille de Bondaroy, gentilhomme du païs de Beauce, desquelles œuvres la présente remonstrance a esté extraicle... 8 sso in-80.

8º Remonstrance pour le Roy à ses subjets sur la rébellion qui se faist en plusieurs endroistz de la France, & à ceux qui ont pris les armes contre sa Majesté, par I. D. L. T. E. (J. de la Taille, écuyer), à Paris, pour Michel Buffet... 1580, avec permission, 14 pages in-8º. Cette leçon, sensiblement différente des précédentes, est suivie d'une petite pièce royaliste, sur les Misères de la France, qui n'est pas de notre poète.



AU ROY

CHARLES IX (1)

ire, l'estat où chacun est naguères retombé (2) par je ne sçay quel désastre m'a semblé si piteux que, pour le donner entendre & le faire mieulx peser, j'ay

ost emprunter l'authorité de vostre nom, jugeant ne pouvoir plus dignement, sans aucune Passion (3) qui tousjours se monstre de Raison ennemie, discourir de tel propos que par vostre Majesté mesme & ne le pouvoir conséquemment mieux addresser qu'à icelle que j'oze saire parler, mesmes en toute douceur & courtoisse qui luy est familière, envers laquelle la simple rondeur dont j'escris pourra facilement excuser ce libre discours comme ayant mesmement esté fait parmy les armes (4). Et la plus grand faute que j'y pense avoir faiste est de ne vous saire parler, Sire, avec

⁽¹⁾ Les variantes que nous indiquons en note sont celles de la rédaction primitive (1563), sauf indication contraire.

⁽²⁾ Est à présent réduict,

⁽³⁾ Affection.


⁽⁴⁾ Parmy les armes, durant le long séjour de vostre camp près Bloys — phrase supprimée dans l'édition de 1580.

affez de sçavoir & d'éloquence, veu la gentillesse assez cognue de vostre esprit, qui surpasse d'autant le mien & vostre aage mesme, comme vous me surpassez en grandeur (1), Sire, mais qu'il ait pleu à ce grand seigneur des Roys d'appaiser ces tempestes, en regardant vostre Royaume en pitié, vous pourrez rencontrer trop plus de plaisir en d'autres choses que j'ay de meilleure estosse comme en une tragédie que j'ay faicte selon le vray art, de la mort misérable du Roy Saül, dont parlent les Sainctes Lettres, lequel, bien qu'il ait esté le plus malheureux (2) prince du monde, auroit toutes sistop d'heur si par vostre commandement venoit (estant accompaigné d'une mienne comédie faicte de mesme) à se monstrer devant vostre Majesté en (3) un théatre qui sust un peu plus paisible que celuy d'à présent, où se jouent-tant de piteuses tragédies.

De vostre Majesté trèf-humble & obeissant serviteur,

J. DE LA TAILLE DE BONDAROY (4).

- (1) La préface de l'édition de 1580 s'arrête ld.
- (2) Chétif.
- (3) Sus.
- (4) Cette formule et cette signature sont absentes dans les autres éditions.





LAVTHEVR MESME, AV LECTEVR

Tu peus icy me voir du tout, Lecteur,
Me voir en face, en l'esprit, & au cueur,
(A fin que mort, ie puisse immortel viure.,
Par ce portrait tu peus voir mon visage
Tiré au vis, mon esprit par ce Liure,
Et par la Guerre, ou je sus, mon courage.

IN VTRUMQUE PARATVS



REMONSTRANCE POUR

LE ROY

A TOUS SES SUBJECTS

A fin de les encliner à la paix (1)

E sçay bien, mes subjects, qu'oyant ici mes plaintes
Vous pourrez tout soudain croire qu'elles soient faintes,
Vous arrestant tout court dès le commencement,
Et puis haussant le chef, pour l'esbahissement
De ce qu'icy je tiens un si chenu langage,
Sur le commencement du Printemps de mon Age.
Je sçay qu'alleguerez, pour n'avoir pas vingt (2) ans (3),
Ne pouvoir mes discours estre autres que d'ensans:
Sçachez que je ne suis si morne de nature
Ni si jeune de sens que la triste adventure

- (1) Variante. A tous ses subjects qui ont prins les armes.
- (2) Treze.
- (3) Il ne faut pas oublier que c'est Charles IX qui tarle.

Qui pourra sus ma France eschoir pour le jourd'huy Je ne prevoye bien, à mon trei grand ennuy, Que je ne voye aussi par vos guerres civiles Le bransle de mon sceptre & le sac de mes villes. Pleust à Dieu ne pouvoir ces maux apprehender (1)! Combien que je vous puis, mes subjects, commander, l'useray toutesois envers vous de priere, Pour vous faire jecter les armes en arriere, Vous disant la pitié que c'est d'ainsi messer Par vos feditions le ciel, la terre & l'air. Donc pour vous remonstrer fault-il estre en la peine De vous mettre en avant cette histoire Romaine Où est faict mention de ce sage Romain (2) Qui, par l'exemple faint de nostre corps humain, Sceut bien rendre content le mutin Populaire, Qui, fol, contre foy-mesme aguisoit sa cholere? « C'est vrayement grand'pitié quand les membres d'un corps α Se mutinent entr'eux par outrageux discords,

(1) Préambule de l'édition de 1580.

Mes subjects, je prévoy (dont je suis en grand'cure)
Le malheur menaçant & la triste adventure
Qui pourront sur ma France eschoir pour le jour d'huy:
Je considère bien à mon très-grand ennuy
Par vos séditions & vos guerres civiles
Le branle de mon sceptre & le sac de mes villes.
Pleust à Dieu ne pouvoir ces maux appréhender!

(2) Ménénius Agrippa.

- « Quand, di-je, la main gauche a debat à la dextre,
- « La teste au ventre oisif, le pied droict au senestre,
- « Sans l'adviser, helas, que par un tel discord
- « Ils pourront affoiblir leur corps jusqu'à la mort?

Maintenant quel erreur de vous entre-deffaire? Toi, Noblesse, qui es un membre necessaire Du corps de mon Royaume, & un bras redouté De mon sceptre puissant, quel erreur a c'esté De t'armer de-rechef (1), toy-mesme te destruire, Te quereller toy-mesme & toy-mesme te nuire? Hé, quel erreur encor, ou plustot quel horreur, De voir gent contre gent l'allumer en fureur, Le fang contre le fang, enfants contre le pere, Femme contre l'espoux, frere contre le frere, Amy contre l'amy, cousins contre cousins, Seigneurs contre feigneurs, voifins contre voifins? Ne vous souvient-il plus de vos guerres passées, Par miracle plustost qu'autrement appaisées? Comment donc voulez-vous, songeant que l'estranger Nous guignoit convoiteux, choir au mesme danger (2)?

Rome, ne vante plus la fanglante querelle Qu'eut jadis le beau-pere & le gendre (3), ny celle Qui depuis l'espandit par un astre malin

⁽¹⁾ Contre toy.

⁽²⁾ Ces quatre vers sont supprimés dans les premières éditions et dans celle de 1580 qui adopte partout le texte primitif.

⁽³⁾ César et Pompée.

Entre l'obstiné Guelphe et le sol Gibelin:
Celle qui maintenant tient mes subjects en ire,
Est cent sois plus ardente, & cent & cent sois pire
Ha, peste de repos, faulse sedition! (1)
Tu es cause à present de la consuson
Et du cruel malheur qui trouble toute France:
O hydre à cent mil chess, fille d'Outrecuidance
Et de Trop-Presumer, qui as Legèreté
Pour nourrice (2) ou plustost (3) Opiniastreté,
Pour maistre Trop-sçavoir, pour eschole Follie,
Pour fille Affection, Debat Noise & Furie (4)
Pour ta suite ordinaire (5) & pour verge Traïson (6):
C'est toy qui nos cerveaux brouilles par ta poison!
Pleust à Dieu que d'un coup n'ayant qu'un col, meschante,
Je susse suite de suite su

⁽¹⁾ Ha, poison de l'esprit, maudite opinion!

^{(2)—}Jean de la Taille, dans les pièces de sa jeunesse, sait un fréquent usage des personnages figurés, et l'on voit même ici qu'il en pousse assez loin l'emploi : détail d'autant plus piquant que dans la préface de Saül (parue en 1572) il proscrira entièrement ces figures : « Se garder, dit-il, d'y faire parler des personnes qu'on appelle faincles & qui ne furent jamais, comme la Mort, la Vérité, l'Avarice, le Monde & d'autres ainsi, car il faudroit qu'il y eust des personnes ainsi de mesmes contresaittes qui y prinssent plaisir. » C'est à se poser cette question: Sommes-nous contresaits? —

⁽³⁾ Par livre.

⁽⁴⁾ Pour sœur Sophisterie.

⁽⁵⁾ Noise et débat pour suyte.

⁽⁶⁾ Raison.

⁽⁷⁾ Comparaison classique avec l'Hydre de Lerne.

Premierement (1) tu vins avec DIVISION
D'Afie où tu estois, mettant dissension
Chez les Turcs debattant l'election d'un Prince,
Tu vins, dis-je, de la diviser ma province,
Le fils tuant le pere, & la semme l'espoux,
Et la guerre civile amenas entre nous.
Dame terrible, ayant un habit tout bizerre,
Plus hideuse sembloit que la Peste ou la Guerre:
Ainsi que Briarée ell's'aidoit de cent bras,
Qui l'un à l'autre avoient continuels debats
Et tenoient cent poingnars, desquels les allumelles
Estoient rouges du sang de ses propres mammelles.
Ainsi qu'une Gorgonne elle avoit des lezars
Au lieu de longs cheveux, horriblement espars:

(1) Les vers qui suivent étaient ainsi formulés dans la 110 édition :

Or'tu fus chez le Turc querir sedition
(Qui volontiers, luy mort, l'aime en sa Région)
Et vint avec la foudre & le seu pour toute arme:
Ja l'on n'oyoit qu'à mort, à mort, qu'à l'arme, à l'arme:
Ja le père on voyoit l'eslever en courroux
Pour égorger le fils & la semme l'espoux:
Mais par le sage advis de la Royne ma mère
On pourveut mieux qu'on peut à ceste grand'misère,
Tant que Sédition l'enfuit lors aux Ensers.
Mais ceste malheureuse y desnoua cent sers
Par despit dont essoit attachée sa fille
(D'elle ou du noir Pluton) dicte Guerre-civile
Que la mère envoya pour nous affliger mieux,
Nous soussiant un esprit sol & séditieux,
Dame terrible, etc...

Elle & les siens vouloient, ainsi que la vipere Faire mourir, ingrats, leur nourrissante mere: Ell'hauffoit ses sourcils pleins d'horreur & des yeux Vous jectoit un eclair flambant & furieux: Derriere elle marchoient avec grand'desplaisance Ruine, Desespoir, & Dame Repentance, Et devant elle alloient Envie, Faux-Rapport, Calomnie (1), Rancueur, Malle-bouche & Discord: A sa venue on vit toute France irritée Comme une mer des vents & des flots agitée, Ou comme on voit bransler les espics d'un grand blé Se battans coup fur coup par un vent redoublé, Et l'ire de Dieu fut, qui conduit (2) en ma France Pour la mettre du tout en friche & decadance Ce monstre ruineux, oste-sceptre des Roys, Qu'ils doivent plus douter que la Foudre cent fois.

Mais par le sage advis de la Royne ma mere,
On pourveut mieux qu'on peut à ceste grand'misere,
Tant que Sedition s'enfuit lors aux Ensers:
Mais ores par despit y desnouë cent sers
Pour relacher encor ceste guerre civile
Qui d'elle & du malheur estant la propre fille
Nous vient pis que devant de reches affliger
Et par une rencheute augmenter le danger.

Dieu mesme, par pitié, a comme en l'autre guerre

⁽¹⁾ Détraction.

⁽²⁾ Conduit, au prétérit.

Monstré pour m'advertir des prodiges sur terre; N'a-t-on pas veu l'éclipse, un vent impetueux Et non loing de Paris deux enfans monstrueux? (1)

Faut-il que la France, helas, jadis si triomphante, Sur toutes Nations reclamée excellente, France à qui les Payens, à qui les Allemants, (2) Anglois ou Bourguignons, Espaignols ou Flamants, (3) Voire estants joins ensemble, oncques ne firent crainte, Soit par les siens desfaicte & par les siens esteinte? Faut-il qu'à mon regret le François aujourd'huy Soit si fort & vaillant qu'un autre sinon luy (O miserable honneur!) ne le pouvant (4) deffaire Se defface luy-mesme! ô grand'pitié (5), de faire Aux estrangers pitié! d'apprester des esbats A nos vieux ennemys par vos cruels débats! O comme ce tyran de Turquie & de Grece Bouffe bien maintenant de joye & d'allegresse, Ne vous voyant d'accord de la religion, Mais vous voyant d'accord de ma (6) destruction!

Maintenant que peut dire en si grande misere Le magnanime esprit de François mon grand pere! (7)

⁽¹⁾ Ces douze vers n'existent pas dans l'édition primitive.

⁽²⁾ A qui jamais l'Angloys ni l'Allemant...

⁽³⁾ L'Espagnol, le Breton, le Turc ny le Flamant.

⁽⁴⁾ Scauroit.

⁽⁵⁾ France, bien simple es-tu! quelle pitié de faire...

⁽⁶⁾ La...

⁽⁷⁾ Var. Le vers est interverti avec le premier et ainsi formulé: De vous & du Royaume. Ha, Françoys, mon grand père...

Que peult-il dire, helas, contemplant des haults cieux De sa (1) France l'estat pauvre & seditieux! Contemplant le pays de sa gentille France, Qui a fleury foubs luy, qui a faict resistance A tant d'ennemis forts, qui a tousjours esté Par sa haulte valeur richement augmenté, Sa France si haultaine estre, las, saccagée, Pillée, mise à sang, destruite, sourragée, Ses pays, qu'il nous a si bien de tous costez D'un fleuve, d'une mer, & d'un mont limitez, (2) N'estre à present partout qu'une pauvre frontiere Foullée de deux camps! Que peult le Roy mon pere Dire aussi de tels maux! helas, comme à present M'est son fatal trepas nuisible & desplaisant! Quel astre malheureux, quelle mortelle playe, Et quel esclat soudain a fait que si tost j'aye Esté privé (3) de luy, me laissant sans pouvoir (Pour mes trop jeunes ans) à ces troubles pourvoir? Il avoit bien du ciel en naissant amenée La Paix, mais quand & luy au ciel est retournée. Toy qui as fait tomber, au grand regret de toy Et par triste advanture, un si triomphant Roy, Tu te peux bien vanter que ta fatale lance A fait tomber aussi tous ces troubles en France,

⁽¹⁾ Ta... (tu remplace il partout).

⁽²⁾ Allusion à la paix de Crespy (1546).

⁽³⁾ Orflin ...

Ces changements ici, ces maledictions, Ces tempestes, ces maux, & ces seditions, Me faisant heritier d'une guerre civile (1).

Mais qu'est-ce de ma (2) perte & du sac d'une ville,
De la mort de trois grands (3) & de tant d'hommes morts,
De tant de chevaliers & seigneurs, dont les corps
Auprès des murs de Dreux, ô piteuse journée! (4)
Furent, las, renversez & par leur destinée (5)
Saoullerent les vautours (6), le loup & le mastin,
Qu'est-ce encor des vieux maux, du sac de St-Quentin (7),
Du jour de Sain& Laurent & du dessein d'Amboise,
Au pris des grands malheurs ou rechet vostre noyse (8)?
Ha, Roy Loys unzieme! hé, que t'a profité
D'avoir eu tant de maux, d'avoir tant haleté
Pour ranger tes subjects en ton obeissance,
Pour les mettre en repos, pour aggrandir la France,

- (1) Var. primitive. Tu te peux bien vanter, trifte Mongommery,
 Que ta lance fatale, ayant tel roy meurtry,
 A faict d'autre costé dès lors naistre sus terre
 Ces tristes fiéaux de Dieu, Peste, Famine & Guerre,
 Ces changements icy, ces maléditions,
 Ces tempestes, ces maux & ces s'éditions,
 Me faysant héritier d'une noyse-civile.
- (2) La...
- (3) D'un grand prince...
- (4) Quand fut de Sainct Laurent la piteuse Journée.
- (5) Par dure destinée.
- (6) Les uns repaissans or' ... !
- (7) Pres les murs de Dunkerque & ceux de Saint-Quentin.
- (8) Qu'est-ce encor de l'erreur & du débat d'Amboyse Au pris de ceste folle & misérable noyse...

Affeurer ton estat, pourvoir de loing à toy, Faire penser à tous que seul tu estois Roy, Chastier les mutins, appointer d'un office Ou d'un riche present les hommes de service? Que dirois-tu, voyant ce désordre mutin Qui hazarde la France & la met en butin, Mesme ne cognoissant ceste France troublée Pour celle qui estoit de ton temps si réglée, Que dirois-tu, voyant chez tes subjects logé, Pour une opinion, un debat enragé, Un débat ruineux, un debat fantastique, Bien pire que n'estoit celuy de Bien publique, Dont s'ensuivit la guerre aux murs de Montlhéry? Voyant un tel erreur que tu serois marry!

Pendant que je devrois (1) en plaisante liesse, En plaisirs bien séans, en honneste allegresse, Aux armes, à l'estude & au beau passe-temps Des sciences passer l'apvril de mes beaux ans, Je n'ai l'esprit troublé que de tristes nouvelles, D'affaires, de plaintiss, de meurtres, de querelles, Que de seditieux, de morts, de saccagez, Que de seu, que de sang, d'occis, d'assiègez, De pays ruinez, de soldats, de gendarmes.

J'ai veu qu'à tout le moins, avant telles alarmes, Je m'esbattois à voir combattre tous les jours Mes dogues courageux, à l'encontre d'un ours,

⁽¹⁾ Cependant que je deusse...

A monter à cheval, alors qu'après le livre Je descendois au jeu de plus haults soings delivre, (1) A voir dans quelque cour la gaye fiction D'un vray combat de guerre, ou bien d'un bastion Qu'affaillir je faisois par les uns & deffendre Par d'autres de mes gents, ou parfois à descendre Desfus l'eau, ou à faire artifices de feu, A baller, voltiger, commencer peu à peu A manier cheveaux, à leur donner carrière, A rompre quelquefois la pique à la barriere, A voir de chiens courants une meute chaffer: Mais je commence fort à me vouloir lasser De mes propres plaifirs, & fort à me desplaire De l'erreur qui vous tient, de la guerre ordinaire, Dont c'en desfus desfoubs vous avez tout meslé Et moi, mon passe-temps & mon règne troublé. Maintenant, mes subjects, si jamais Courtoisie, Amour, Crainte, & Pitié leur demeure ont choisie Au fond de vostre cueur, si oncg'avez porté A vostre jeune Roy honneur & loyauté, Je vous pri'd'escouter vostre Roy qui vous prie, Qui se plaint, qui se deult, qui lamente & qui crie.

...et, de tous foins delivre ...

Ronsard dit:

« Estre delivre & trainer son lien. »

(Amours. I. 88). —

^{(1) -} La Taille aime ce mot Delivre: dans le Courtisan retiré, il dira de même:

Si jamais fut faison & besoing d'avoir paix Et cesser tout debat, c'est or plus que jamais Que vous devez laisser vostre guerre ennuyeuse Et derechef entendre à la paix bienheureuse. Remettez, je vous pri', dans les vuides fourreaux Vos coutelas sanglans & vos civils cousteaux, Amollissez vos cueurs, sus mettez bas les armes, Renvoyez vos foldats, renvoyez vos gendarmes, Qu'ils s'en aillent chez eux, leur lance et leur harnois, Teincts en leur sang, appendre encontre les parois Afin que l'araignée y fasse son ouvrage; Qu'ils se rouillent plus tost tant que je sois en age! Suffise vous, helas, depuis que ces discords Sont coulez entre vous que cinq (1) cent mil sont morts, Tant ceux qu'on a meurtris que ceux qu'avec vergongne (2) On voit (3) servir en l'air aux corbeaux de charongne, Et que ceux-la (4) auiquels les poissons dedans l'eau Peuvent fervir, helas, d'un malheureux tombeau, Combien en a-t-on veu nouër entre deux ondes, Remplissans Loire & Seine en leurs eaux plus profondes! (5) Mais si de vostre Roy les equitables pleurs

⁽¹⁾ Plus de cent mil...

⁽²⁾ Tant d'occis que de ceux lesquels avec vergongne...

⁽³⁾ Pourront...

⁽⁴⁾ Suppr. la.

⁽⁵⁾ Var. primit. Loire, Loire, combien dans tes eaus plus profondes En as-tu veu de morts nouër entre deux ondes!

Ne peuvent amollir la dureté de vos cueurs, Que de mon peuple au moins (1) la raisonnable plainte, La pitoyable voix, la misere non fainte, La ruine future & le piteux soupir Puisse de vos durs cueurs la fureur assoupir! Las, voyez comme il est pauvre, deffaict, ethique, Vagabond, mendiant, palle & melancholique, Comme il est par vos camps rongé jusques aux os, Devoré, fourragé & ruiné d'impos! Encor pour l'engloutir & l'oster d'esperance, Vous en estes allez hors des bornes de France. Bien loing, oultre le Rhin, querir chez l'Allemand Des Harpies, j'entends(2) un peuple ord & gourmand, Incivil & cruel, lourd, barbare & fauvage (3), Qui semble estre venu plustot pour le pillage Et pour se faire gras de vostre fol débat Que pour necessité qu'on en ait au combat, Peuple pire que Gots pour qui fut l'Italie Tant de fois mise à sac, tant de fois demolie: Quel malheur d'appeler ceux qui bouffent encor Du butin de nos biens, de nous & de nostre or, Dont la France aujourd'hui, plustost qu'en faire conte (4) Et les chercher si loing, devroit rougir de honte

⁽¹⁾ Hélas.

⁽²⁾ Ou bien ...

⁽³⁾ Le poète parle ici des reîtres.

⁽⁴⁾ Compte...

Et s'en venger plustost; comme si nous estions De nous-mesmes si gras que tous seuls ne peussions Nous entre-devorer sans la bouche estrangere!

O que c'est grand erreur, que c'est grande misere
De vouloir s'aïder aux guerres d'aujourd'hui
Du bras de l'estranger & des armes d'autruy,
Incognues à nous, qui sont ou trop gesnantes
Ou trop larges pour nous ou pour nous trop pesantes! (1)
Mais comme l'estranger, mes François n'ont-ils pas
Du cueur, des ners, des mains, de l'esprit & des bras ?
Il n'est que d'employer les armes que nature
Nous a mises en main ou nostre nourriture
Comme sçeut bien David qui trouva trop pesant
Le harnois de Saül pour combattre un géant,
Aymant trop mieux avoir sa naturelle fonde,
Qui estoit propre à luy, que tout arme du monde.

Et pendant, mes subjects, qu'estes or'amusez A ces sols differents, vous ne vous advisez Qu'au premier conquerant vous mettez en ballance Ma couronne & mon sceptre & en proye ma France: Mais s'il m'advient mesches exempts n'en serez point, Nuds vous serez, & moi (2) pour le moins en pourpoint.

Déa, si desirez tant (3) vostre jeune vaillance Esprouver à la guerre, ayez la patience

⁽¹⁾ De soy ou de soy trop pesantes.

⁽²⁾ Car je demeureray...

^{(3) 1580.} Si vous défirez tant...

D'attendre encor trois (1) ans (2) à fin qu'estant plus meur (3) Et plus fort je vous mene, enslé d'un gentil cueur, A des combats plus saincts, contre les Insideles, Pour venger les Chrestiens de leurs fresches querelles, (4) Les aydant à desendre en Hongrie les murs Que convoite sur eux le tyran de ces Turcs (5).

Que le destin de Dieu est obscur & terrible!

Las, on n'avoit oncq veu un accord si paisible

Entre les Chrestiens ne si bien asseuré (6)

Que celuy que le Roy mon pere avait juré (7)

Et sellé de son sang, ny paix qui moins suspecte

Fust pour l'aise publicq': mais, ô Dieu, l'as-tu saiche

Pour mal-traister après tes François bien aimez

De discords plus cruels & plus envenimez?

Voila pourquoy l'on deust tousjours de quelque guerre

Empescher le François, volontaire & bizerre,

- (1) Huia.
- (2) 1580. Encor un peu...
- (3) 1580. Seur: ...
- (4) Venger les Chrestiens de leurs vieilles querelles...
- (5) Ancien texte, au lieu des deux derniers vers:

 Reprendre trois citez que ces maudichs payens
 A nostre grand'vergongne ont sus les chrestiens
 Usurpées à tort, c'est Rhodes, & puis celle
 Qui aujourdhuy du nom de Constantin s'appelle,
 Et puis celle qui a le glorieux renom
 D'avoir de ee grand Dieu le tombeau & le nom.
- (6) 1580. Ny de plus grand pronfit...
- (7) Que celuy que Henry naguére'avoit juré. Allusion d la paix de Cateau-Cambrésis (1559).

Qui seroit plus qu'heureux si mon Pere jamais N'eust au pris de son sang traitté la triste Paix! O grand Dieu qui as fait fans discord mes ancestres Regner douze cents ans, continuant leurs sceptres Tousjours de main en main paisibles jusqu'à moy, Qu'a genoux tu vois or'& courbé devant toy, De grace je te pri' (si par ta Providence (1) Tu n'as fous un Roy jeune ou du monde ou de France Prefix du tout la fin) enflambe contre nous Plus-tost de toute gent la guerre & le courroux, De mon peuple sans plus, qui est tien, esteins s'ire, Esteins l'ardent discord: envoye-nous, o Sire, Ta fille qui est Paix: n'allegue point les maux (2), Ny les pechez de moy ny ceux (3) de mes vaffaux; Devant ta Majesté, nous accusons coulpables De t'avoir offensé; mais quant aux miserables Qui font, n'aimant ta Paix, d'un cueur feditieux, Malheur, & de rechef malheur, malheur sus eux!

- (1) Prévoyance...
- (2) Ne pren efgard aux maux...
- (3) Ny aux péchez de moy, n'a ceux...

FIN

IN UTRUNQUE PARATUS



HYMNE

A MADAME SŒUR DU ROY

Cette pièce complète le poëme précédent. En outre des vœux généraux qu'il forme pour le bonheur du peuple, Jean de la Taille souhaite à Marguerite, sœur du roi, un époux. On sait qu'elle épousa Henri IV. — Cette ode et les pièces de vers suivantes ont été imprimées en 1572, chez Frédéric Morel, à Paris, à la suite de la tragédie de Saūl le Furieux (petit in-8°).

Ce n'est pas moy qui, par vaine louange,
Comme plusieurs, d'un monstre fais un ange,
Ce n'est pas moy qui, prodigue d'honneurs,
Par mots fardez vante les grands seigneurs:
Je ne veux point d'un corbeau faire un cygne,
Ny hault-louer celuy qui est indigne
De tout honneur, pour ne pipper ainsi
Ny valleter par flatterie avare
Ma Muse, aussi pour louer un barbare.

Mais c'est le Vray qui d'un honneur non seint A vous louer, Madame, me contraint,
De qui le corps a telle pourtraiture
Qu'en rien ne peut se plaindre de nature,
Car je ne puis dire que verité
Quand je dirois que, dessous sa beauté
Qui orne plus vostre grandeur Royalle
Qu'un diamant ou perle orientalle,
Est tel esprit qui croist plus aujourd'huy
Que vos ans mesme & n'est pareil qu'à luy.

En vous reluit je ne sçay quelle grace Tant bien meslée aux trais de vostre face, Tous compassez d'une proportion Avec vostre œil bel en perfection, Qu'en vous parfait une beauté suprême Plus à louer que n'est la beauté mesme : Et si veux bien qu'on sache que les cieux Font, yous donnant un don si precieux, Beaucoup pour vous & pour toute personne. C'est don de Dieu qui à tous ne se donne, Et sans lequel aux hommes rien ne plaist: Or est-il vray que peu souvent il est Sans la Vertu, si qu'à la belle forme Qu'on voit d'un corps l'ame est souvent conforme : La Beauté seule esveille nos esprits, Et façonnant ceux qui font mal-appris, Elle adoucit les plus durs & rebelles,

Il fait beau voir un parterre qui porte
De fruicts exquis & de fleurs toute sorte:
(Qui l'aime & sert) comme l'ambre un sessu,
Les jeunes gens aux vertus elle attire
Et retient l'homme au milieu de son ire:
Et ce grand Dieu qui mesme est la Beauté
Pour admirer en vous sa Deité
Et pour nous faire à sa Beauté si belle
Mieux aspirer par la vostre mortelle
(Tant que ravis desirions de le voir)
Vous a fait naistre & au monde apparoir!

Qu'on ne m'allegue Helene malheureuse Ni au Troyen sa beauté ruineuse! Vous n'ettes telle & si meritez bien Pour vos beautés un siege Troyen.

Doibs-je en ce lieu vostre jeunesse dire, Laquelle on voit en vostre beauté luire Et dans icelle estre non autrement Qu'est dedans l'or un riche diamant? Vostre jeunesse est donc comme la rose Sur le printemps à l'heure, à l'heure eclose De son bouton, qu'on voit blanc & vermeil Croistre en beauté avecques le soleil. Il fait beau voir les œuvres de nature, Un arbre en sleur, un bocage en verdure, Un champ sleury, une roze ou un lys Qui developpe au point du jour ses plys: Elle amollit les personnes cruelles, Le fier barbare attrait par sa vertu. Il fait beau voir l'arc en ciel coloré, Une mer calme, un air bien temperé, Un astre ardent, une vermeille aurore, Un cler soleil, mais rien n'est-il encore Qui plus contente & soit à l'œil plaisant Qu'en la jeunesse une beauté croissant!

Or qui voudra si louë le vieil Age
Pour son conseil, pour sembler meur & sage,
Grave & prudent! la jeunesse est encor
Plus à priser, de tant qu'on prise l'or
Plus que l'argent, car sans elle on n'eut oncques
Beauté, plaisir, ny prouesse quelconques;
Voylà pourquoi jeunes & non chenus
On seint les Dieux, comme Mars & Venus.

Mais quand je voy tant de filles d'eflite,
La Fleur de France, aller à votre fuite,
Dignes vrayment pour leur honnesteté
D'estre alentour de votre Majesté
Et de n'avoir autre qui leur commande,
Quand je voy, dis-je, une si belle bande,
Il m'est advis que les Nymphes je voy
Qu'avoit tousjours Diane autour de soy.
Je dis encor que, veu vostre jeunesse
Avant le temps meurissante en sagesse,
Veu vostre œil beau, vostre humble gravité,

Qui prend les cueurs, veu du corps la beauté Qui est cler brune & vous est naturelle, Vous ne devez d'esprit estre moins belle, Si on regarde à ce sçavoir facond Que vous avez, de sorte qu'il consond Le sot advis du vulgaire qui pense Mal convenir aux dames la science: Mais tout ainsi qu'en voyant les cieux beaux Tous lambrissez & brochez de slambeaux D'un beau soleil, & d'estoilles sichées, On peult juger de leurs beautez cachées, On peult ainsi juger de vostre esprit Par la beauté qui par dehors fleurit.

Aussi, Madame, il ne sault estre belle
Tant seullement de grace corporelle;
Il saut de l'ame & du corps assembler
Les deux beautez & ne sault ressembler
Aux temples vieux de l'Œgypte idolâtre
Qu'on vit jadis tous reluisants d'albatre,
D'or, de porphyre, & de jaspe au dehors,
Mais au dedans c'estoient monstres bien ords
Tenus pour dieux, & mesme chats infames!

O combien font aujourd'huy de grands dames Qui quelque fois dessoubs le corps, vestu De broderie & non point de vertu, Soubs l'or, la soye & soubs la couverture D'une beauté cachent mainte laidure! O combien plus d'Alcines (1) font aussi Qui n'ont en cour que les fards en foucy Pour enlaidir leurs beautez naturelles, Ou pour paroir plustost folles que belles, Et qui, ayant, avec le laich, tetté Le vice infect, l'orgueil, l'oisiveté, Retiennent lorsqu'elles sont plus en aage Les vanitez, l'esprit sier & volage! Mais leur follie a beau les deguiser D'habits pompeux, les farder, les frizer, A beau, par art, en depit de nature, Faire excuser ou cacher leur laidure, Garder leur taint & de peur d'iceluy Les enfermer comme dans un estuy, A beau couvrir quelque naturel vice Et leur serrer le cuir par artifice, Beau les masquer & leur plastrer le taint, Changer d'habits, de poil, de fourcy peint, Hausser leur taille, emprunter par grand'ruse L'or de leur poil, leur taint de la ceruse, Beau rajeunir l'automne de leurs ans En un esté ou bien en un printemps: Il fault mourir; & sçait-on (quoy qu'il tarde) L'art & le fard de celle qui se farde

(1) Célèbre enchanteresse dont les chants VI, VII et VIII de l'Orlando furioso décrivent les séductions: elle sut captiver par ses charmes Roger, le héros de l'Arioste, et ses faveurs furent pour ce brave chevalier le plus grand des périls. Pour l'orgueil vain d'une laide beauté Qui a tousjours tout amant degousté:

O qu'est la vostre heureuse, qui parfaicte N'est point, n'est point peniblement subjecte De pratiquer mille moyens secrets Pour l'augmenter, ayant de si beaux traits! Aussi, Madame, estant ainsi douée Des dons de Dieu & de chacun louée, Vous ne devez de vous rien presumer, Car on ne peut presomption aymer.

Considerez que la beauté n'est vostre,
Elle est aux vers aussi bien que la nostre:
Vous estes grande, ayant pour frere un Roy
Si beau, si grand qu'il n'a pareil que soy,
(Car après Dieu il n'est chose si grande
Qu'un Roy de France & dont fault que depende
Vostre grandeur) mais craindre il peut le sault
Qui d'autant plus est grief qu'on chet de hault,
Tesmoing Saül que Dieu mesme sit estre
Un Roy d'un rien & presque un Dieu terrestre,
Tant qu'il sembloit aux estoilles toucher,
Mais tout à coup Dieu le sit trebucher (1).

Il semblait à son gré gouverner le tonnerre, Foulait aux pieds ses ennemis vaincus, Je n'ai fait que passer il n'était déjà plus. Naturellement, La Fontaine s'éloigne moins des vers de Jean de la Taille dans Le Chêne et le roseau.

⁽¹⁾ Racine devait dire plus tard, imitant la même image biblique, dans Esther:

Mais quand d'un Roy vous ne seriez, Madame. La sœur, la fille, & quelque jour la femme, Quand vous n'auriez aucune dignité, Quand l'or, la pourpre, & la diversité D'accoustrements, quand la perle & la soye Seroient oftez, faictes qu'en vous on voye Je ne sçay quoy qui digne vous rendroit D'avoir le rang que tenez or en droit, Qu'on voye en vous une grace qui plaise, Que tout habit que vous preniez vous sieze, Soit que le drap simplement vous vestiez, Ou soit que l'or en pompe vous portiez : Qu'on voye en vous je ne sçay quoy d'aimable, De grave aussi, qui vous rende admirable, Qu'on voye luire avec voitre beauté Je ne sçay quelle affable privauté. Prenez exemple aux deux grand's Marguerites (1) Qu'avecque vous nostre France a produites D'un nom, d'un sang: quand France or n'eust produit Qu'en son jardin ces trois fleurs & tel fruit, Elle merite une gloire immortelle: Mais l'une est morte; & qui ne s'esmerveille De fon esprit & sçavoir merveilleux, Cestuy naquit sans oreille & sans yeux (2).

⁽¹⁾ Marguerite sœur de François I^{or}, la Marguerite des Marguerites, et Marguerite, duchesse de Savoie, sœur de Henri II.

⁽²⁾ Aux louanges de la deuxième Marguerite de Navarre, le poète joint un souvenir de Marguerite de Navarre, sœur de François I°r, en bon poète de la pléiade qu'il est : souvenir si vif que, bien plus tard,

Songez, comme elle, en la beauté divine, Et à laquelle il fault qu'on l'achemine
Par la beauté de nous qui n'est sinon
De la beauté de Dieu qu'un beau rayon:
Contemplez donc la divinité belle,
Pour en voir luire en nous quelque estincelle,
Aymez donc Dieu en la beauté de vous
Ou de celuy qu'elirez pour espoux.

Que vostre esprit, vostre prudence grande, Vostre vertu aide au Roy qui commande Sur un royaume autant grand & heureux, Autant peuplé, paisible & plantureux Qu'il en soit point, car ce seroit dommage De perdre, helas, un si bel heritage, Qui ne l'acquiert par meurtre ou par poison, Par voix, par or, par brigue ou trahison, Comme plufieurs, & l'affeurez de forte Qu'il n'ait plus peur de sedition morte, Qu'ambition voudroit bien derechef Ressussible Ressus De tes desfeins, on esteindra le reste De ses seus civils, desquels l'ire celeste Nous femble encor menacer aujourd'huy Comme voudroient les meschans, mais celuy Qu'ambition seduit & qui divise

le fils de Jean de la Taille, Lancelot, fidèlement adopta pour lui-même la devise de la Marguerite des Marguerites: Non inferiora secutus. N'ayme fon Roy ni fa religion
Et couve au cueur quelque autre intention!
Comme Princesse humaine & pitoyable,
Prenez parsois la dessense equitable
Du peuple, helas, qui tout rongé d'impos
N'a plus sinon que les nerss & les os!
Songez l'ahan des deux guerres passées
Pour luy plustot par miracle appaisées
Que par nos sens: parlez pour l'affligé
Qui, par sois, triste, à la cour mal logé,
Et mal traiclé, poursuyvant un affaire

Deux ou trois ans, enfin se desespère.

Vous avez beau estre grande & avoir
Le plus grand lieu qu'on puisse au monde voir,
Vous avez beau estre belle, sçavante,
Jeune, gentille, honneste & triumphante,
Ce nonobstant quelques ans revolus
De tout cela l'on ne parlera plus,
Si, surmontant vostre sex & vous-mesme,
N'executez quelque vertu supreme,
Si vous n'avez quelqu'un qui par ses vers
Le face un jour sçavoir par l'univers:
Car de quoy sert d'estre en tout si parfaicte
Si la louange en est apres muette?
Tout le guerdon qu'on a de la vertu
C'est l'honneur seul, qui ne veult estre teu.
Je ne vous puis saire une hymne assez ample

Si vos vertus plus fort je ne contemple, Comme à Janet (1) pour faire son devoir De bien pourtraire il est besoing de voir, A celle fin qu'il mesure la face, Oue d'un pinceau les lignes il compasse, Les trais, la taille, & la proportion: Pour peindre aussi vostre perfection, Voître beauté, voître grace parfaitte, Et vos vertus, Madame, je fouhaitte D'en estre pres & comme je promets De vous vanger de l'oubly desormais: Car s'il vous plaift que de vostre excellence Sois serviteur en toute obeissance, Je feray tant que les ans ny la mort A vostre nom ne feront point de tort. Mais cependant prenez ces vers en gage D'avoir de moy quelque plus digne ouvrage; Puisque de Dieu l'image retenez, Autant à gré ce peu de vers prenez Que sa bonté reçoit à gré l'offrande Qui ne vault guere autant qu'une plus grande. O toy, Seigneur, qui as pris la beauté Pour l'ornement de ta divinité,

⁽¹⁾ François Clouet, dit Janet, fils de Clouet le jeune, et le troisième membre connu en France de cette famille d'artistes. Peintre de la Cour, il était alors dans tout l'éclat de son talent, puisqu'on avait déjà de lui le portrait de François II, actuellement à Auvers, et probablement celui de Charles IX du Musée du Louvre.

— xxxrv —

Donne un espoux sans plus à Marguerite, Aussi beau qu'elle & qui bien la merite; Car qui voudroit autre heur luy souhaitter, Pour puis luy rendre il luy saudroit oster.



CARTEL POUR DAMOISELLE

CATHERINE DE PARTHENAY

A tous Chevaliers errants. (1)

Pisque pour estre issue de maison Gurande de race, & de biens à foison (Une grande sée ayant pour mon ayeulle) (2) Puisque pour estre heureuse d'estre seule Apprise aux arts & aux langues des Grecs Et des Romains, & pour avoir aprés

- (1) Catherine de Parthenay, grande héritière et fille unique de Jean L'Archevêque de Parthenay, seigneur de Soubise, un des hêros du calvinisme, et d'Anthoinette Bouchard d'Haubeterre. Le chevalier errant assez heureux pour correspondre à l'idéal requis fut Charles du Quénelec, baron de Pont. Devenue bientôt veuve Catherine se remaria, en 1575, avec René, vicomte de Rohan, tige de la famille de Rohan-Soubise.
- (2) La fée Méluzine, dont Catherine était censée descendre, comme beaucoup d'autres.

En un corps jeune & dont la pourtraiture
Ne peut en rien se plaindre de Nature
Un esprit grand qui croist plus que mes ans,
Je ne puis ore estre sans poursuyvans
A qui desjà l'Avril de mon bel aage
Trop tost publie un bruit de mariage:
Je veux apprendre à tant d'amants divers
L'art d'aimer bien & mon but par ces vers,
Puisque de grace un pere m'en dispense,
A qui je dois très-humble obeissance.

Nul donc s'il n'est comme moy de sçavoir, Ne pense point ma bonne grace avoir; Nul, s'il ne m'aime, à m'aimer ne s'appreste, S'il ne sçait bien que c'est d'amour honneste, S'il ne scait l'heur de choisir sa moitié, Et en quoy gift la parfaitte amitié Qui cause un bien souverain en ce monde A ceux qui l'ont, laquelle ne se fonde Sur le profit, ny fur le vain plaisir, Mais sur amour qui va devant désir; Et ne l'acquiert par l'art d'ypocrisie, Mais par foy-mesme & par la courtoisse; Et ne se loge au cueur qui n'est attaint, Mais qui ouvert, volontaire, & non feinch, Est tousjours un ; donc je veux qu'en la sorte Telle amitié pour jamais on me porte, Que seulement on fasse estat de soy,

— xxxvn —

Et que de moy on n'aime rien que moy.
Tel amour vray je ne veux qu'on deteste
Qu'on voit causé par l'union celeste
De deux esprits qui, estant en deux corps,
De s'estre au ciel entre-veus sont recors.

Je veux qu'amour, qui sert ailleurs de vice Serve par moy d'un louable exercice, Et ce qui est ailleurs voluptueux Serve d'appast pour estre vertueux.

Or, quant à moy, je n'estime pour larmes Ny pour souspirs ny du tout pour les armes Ny pour le bal ny pour bien estre en poinct Un tas d'amants: ceux-là je n'aime point Qui, sans amour aimants d'amour contrainte, Sçavent transis faire d'amour la seincte, Qui, d'un tour d'œil, par pleurs & soupirs seincts, Sçavent monstrer n'estre d'amour attaints.

Je ne veux point que si fort on ahanne
A demonstrer une amour courtisane,
Je suis d'avis que l'on quitte cest art
A l'Espagnol, au Thuscan & Lombart:
Je vois si cler que je puis une attainte
Voir jusque aux cueurs, voir la vraye ou la seince.

Arriere ceux que la faveur des grands Qu'on prise tant, que l'appuy des parents, Qu'armes, que biens, qu'estats & qu'alliance Font presumer de vaincre avec constance, Cela ne doit mon grand cueur esbranler, Mais bien cela qu'on doit sien appeller, Estimant peu les choses ou fortune S'est autant faicte à moy qu'à eux commune.

Arriere ceux qui ne font de vertus

Mais d'or, de foye, & d'argent reveftus:

Je veux que nul à moy ne se presente

Qu'un qui sçavant toute chose excellente

Puisse en moy querre, en moy ou n'y a rien

Si ce n'est luy qui cherchera si bien,

Et veux qu'avec une sçavante grace

Bien demandant, bien respondre me face.

Je sçay qu'ici mes propos n'auront lieu

Envers ceux-là qui n'ont point autre Dieu

Que Volupté, Ignorance, Avarice,

Et qui ne font leur vertu que de vice.

Si Meluzine, experte par destin,

Aux arts de sée apprit un Raymondin (1)

(1) Mélusine, dans sa vie si agitée et si pleine de tribulations, eut neuf fils, dont l'un duc de Parthenay. Ayant tué, d'accord avec ses sœurs, son père, le bon roi Élinas, elle fut condamnée, par arrêt du destin, à être changée tous les samedis en serpent et si le prince qu'elle devait épouser la voyait dans cet état, il ne lui serait plus permis de redevenir femme. Or, Raimondin, comte de Poitiers; son adepte, viola le serment de ne jamais se trouver un samedi en présence de la pauvre Mélusine; elle est depuis ce temps enfermée dans un souterrain du château de Lusignan et n'en pourra sortir que lorsqu'un damoisel de Lusignan aura reconquis le trône de Jérusalem. Je n'oserais l'affirmer, mais je crois bien qu'elle y est encore.

Qu'elle choisit, moy donc de son lignage Je veux monstrant d'amour le vray usage Adviser d'un par seure election; Car d'un parsait vient ma persection.

Mais craignant fort pour mes graces exquises Qui de plusieurs pourront estre requises Malcontenter d'un congé l'importun, Et de dresser (en favorisant l'un Plustost que l'autre) aux miens querelle & peine:

Je veux ainsi que le pere d'Helene,
(Pour eviter le mal-grace & l'ennuy
Qu'il prevoyoit pouvoir tomber sur luy,
De tant d'amans, dont la presse amoureuse
Importunoit la beauté dangereuse
Qu'avoit sa fille) à elle offrit le choix
D'en nommer un qu'ell'voudroit de sa voix:
Je veux, ainsi qu'à la course Athalante (1)
Et qu'à la force aux armes Bradamante
Se firent pris à tous vainqueurs espoux,

⁽¹⁾ On sait qu'Atalante, fille de Schénée, roi de Scyros, célèbre par sa beauté, imposait à ses prétendants une condition très-dure; il fallait la vaincre à la course, sinon elle tuait de sa propre main le malheureux vaincu et de sa tête ornait le but à atteindre. Déjà bien des têtes suspendues glaçaient le cœur des plus amoureux, lorsque Hippomène parvint à réussir en jetant à Atalante des pommes d'or : Atalante céda à cette ruse inspirée par Vénus. — Quant à Bradamante, on le sait, c'est l'héroïne de Roland-le-Furieux, si souvent cité par notre poète.

Je veux ainsi faire une loy à tous:
Non que sur moy il faille qu'on pratique
Le choix, la course, ou le tournoy publique,
C'est que nul Noble espere de m'avoir
S'il ne me vainst en vertus & sçavoir,
Et s'il ne sçait comme un Œdipe habile
Interpreter cest cenigme facile:

L'ŒNIGME.

C'est qu'il y a un element au monde
Premier que l'air, le feu, la terre & l'onde,
Et de ces quatre est le quint element,
Qu'il entretient en nous egallement.
Il est puissant & non comprehensible,
On le sent bien, & s'il est invisible
Mesme on le tient, divers en divers lieux,
Tel qu'on le sent: l'un le peint gracieux,
L'autre cruel, & volontiers chaque homme
Selon qu'il est ou sage ou sol le nomme.

Il prend de nous son portrait & son nom, Ou sa couleur comme un cameleon; Qui voudroit voir son essence infinie, Faudroit des cueurs faire une anatomie.

Il est son tout, il n'a pere que soy, Et n'eut jamais mere, comme je croy; Il est de soy rond & hermaphrodite, Et si jamais en mauvais lieu n'habite; L'homme sans lui est languissant & froid, Mal gracieux, mal propre & mal adroi&: Festins, banquets & compagnie honneste Sont ennuyeux & froids, s'il n'est de seste: Nostre plaisir est desplaisant sans luy, Et par luy n'est ennuyeux nostre ennuy.

Il lit au cueur & f'il n'a d'yeux l'usage, Il fait puissant le faible, & le fol sage, Il fait tout plaire & sans luy tout n'est rien, Il est malade en santé, pauvre en bien, Il est hautain & humble tout ensemble, Et proprement à soy mesme il ressemble.

Il unit tout, il fait, change & deffait, Il n'aime rien de laid, ny d'imparfait, Il est partout, en terre, au ciel, & mesme Aux bas ensers, & rien que luy il n'aime; Il cognoist tout, & toute chose il peult, Il vient de grace, & ne l'a pas qui veult, Ne permettant que maugré luy on l'aye, Sinon il fait une cuisante playe.

Il se fait plus aimer que la beauté, Estant content ne donne que santé, Et, pouvant plus en beauté que nature, Fait excuser ou cacher la laidure: Mesmes, sans luy la beauté c'est laideur; Et de malice il purge nostre cueur.

Il n'est amer; si d'aucuns il mal-traitte, Sont ceux qui l'ont de saçon indiscrette:

Je fais sçavoir à tous par ces miens vers Que je n'en sers qu'une en tout l'univers, Gardant d'amour la loy inviolable Non point leger, & non point variable: Que je suis ferme ainsi qu'un roc bien gros Qu'en mer le vent, la tempeste & les slots Aucunement ne peuvent esbranler. Ny d'un costé, ny d'un autre crouller: Qu'au cueur d'un arbre ay le mien tout semblable, Desfus lequel si un nom agreable Vous engravez, plus l'ecorse croistra Et d'autant plus le nom apparoistra. l'ai desja fait par bonne preuve entendre Que je n'ay point le cueur de cire tendre, Long fut amour une escaille à lever Quand y voulut un seul portrait graver.

Il ne faut point qu'alleguer on me vienne Les Chevaliers de la Table ancienne Ny ceftuy-là qui devint furieux Pour trop aimer d'Angelique les yeux, Ne Bradamant, ne Roger, n'Amadis, Ne son arc feint, car pour le temps jadis S'ils ont sur moy quelque force ou beauté, Je ne leur cede en rien en loyauté (1).

⁽²⁾ En deux mots La Taille passe en revue les chevaliers de l'ancien cycle de la Table Ronde, héros des vieux romans de chevalerie, Corlando furioso, Amadis des Gaules,

Si de fortune il advient qu'aucun soit
Tant courageux, tant sier & tant adroit,
Que de me dire en cecy le contraire,
Je m'attends bien l'arme au poing de le faire
Desdire en bres aux despens de son sang,
Pour lui monstrer combien j'ay le cueur franc,
Et pour monstrer que, quand bon il me semble,
Je sçais lier Mars & Venus ensemble (1).
Si d'adventure il advenoit aussi
Que quelque Dame entreprist, or, cecy,
D'autant qu'on doit des armes l'excuser,
Il luy faudra de ces raisons user,
Pour luy monstrer que je joinces au surplus,
Mars à Minerve aussi bien qu'à Venus.

⁽¹⁾ In utrumque paratus.



ÉPISTRE A UNE DAMOISELLE

DE L'HONNESTE AMOUR

Puisqu'ainsi est que je ne puis de bouche Vous declarer le mal qui mon cueur touche, Je ne puis moins que de me desgorger Sur le papier à fin de m'alleger, Car pour l'amour le papier est propice Qui ne rougist, & ne fait qu'on rougisse Alors qu'on vient à descharger du cueur Sa passion, qui de honte & de peur N'osoit sortir de nostre bouche clause.

Doncques sçachez qu'Amour est une chose Tant excellente & noble, que jamais Ne choisit place en cueur lasche & mauvais, Mais bien tousjours sa demeure a choisie Aux cueurs remplis d'honneur & courtoisie, Aux cueurs gentils, aux cueurs dignes de luy; De l'amour vray je parle, dont l'appuy

N'est sur le gain, ny le plaisir indigne, Tel qu'en sa court maintenoit une Alcine, Mais sur l'honneur, sur un desir non seint Qui vertueux, honneste, & non contrain& Dure tousjours: donc je dis qu'en la sorte Une amitié pour jamais je vous porte, Car vous sçavez que biens ou revenus, Commoditez, ou desir de Venus, Mais gentillesse honneste, & non sorcée, Vos dons de grace & vertus l'ont causée.

Or le pouvoir de mon astre fatal

Est cause aussi de ce bienheureux mal

Qui me saisit le cueur à l'impourveuë

Par l'œil mal caut du jour qu'il vous eut veuë,

Je n'en puis dire autre cause pourquoy,

Lors que je vis en vous je ne sçay quoy

Qui me forcea vous porter amour forte

Par un pouvoir incogneu, de la sorte

Que l'on voit l'ambre attirer le sestu

Par une propre & secrette vertu.

Lors, veu qu'Amour n'est en nostre puissance, Qu'eust fait raison? qu'eust fait ma retistance? Si donc je suis contraint de vous aymer, Vous ne devez ma poursuitte blasmer, Ne rejecter l'affection conceuë Dedans mon cueur des la premiere veuë Où nos esprits se sont entrecogneus

S'estans au ciel paravant entre veus, Car tel amour il ne fault qu'on deteste Comme conduict par le vouloir celeste. Comme plus vray, plus certain & moins feint, Comme avant plus par le passé contrain& D'hommes tres haults à cheoir dedans sa flamme Du premier jour qu'ils advisoient leur dame, Tesmoing l'amy de Laure que les dieux Firent aimer, tesmoing le Furieux, Tefmoing l'amy d'une qu'Eliodore A faicte blanche & naistre d'un roy More, Telmoing Roger, Bradamant, Amadis Et mil encor qui ont aimé jadis. Et si ma force à ceulx la n'est egalle Je ne leur cede en rien d'amour loyalle. Ce n'est pas moy que l'on voye addonné A faire bien l'amant passionné; Je n'ay appris d'une plaincte rusée, D'un faux tour d'œil, d'une larme forcée, D'un mot de cour, & d'un souspirer sein& A demonstrer fignes d'amour contrainet; Je n'ay appris à me gesner moy-mesme, Monstrer ma face, ou maigre, ou triste, ou blesme, Comme d'aucuns qui, aymants sans amour, Font par plaisir, ou par livre, la cour : Ce n'est pas moy qui, né franc en la France, Vueille d'amour tirer la quint'essence,

Quittant du tout tels mestiers mal plaisants Aux Espagnols, Lombars & courtisans. Tant cler voyez que vostre œil peult la playe Voir jusqu'au cueur, voir la seincte ou la vraye.

Quant à la chose où mon desir pretend, Fault peu de chose à le rendre content; C'est que selon vostre bon gré je puisse Vous estimer, vous faire humble service, Et par honneur amitié vous porter, Puisque cela ne vous peult rien couster; Pour vous fleschir à m'aimer d'avantage Je ne veux mettre en avant mon lignage, Armes ny biens, ny noblesse de sang Qu'un peuple prise, & non un esprit franc : Je ne veux point par cela où fortune S'est autant faicte aux miens qu'à moy commune Importuner vostre cueur à m'aimer, Mais par cela que mien je puis nommer. Je croy pour vray qu'offensé je me fusse Si deschargé de mon esprit je n'eusse L'amour martir que je vous ai descrit Aussi nument que je l'ay dans l'esprit. Vous pourrez bien, comme fille despite, Me commander de cesser ma poursuite, Mais en faisant vostre grace cesser De vous aimer me pourrez dispenser? Vous pourrez bien, me donnant blasme ou peine,

Vous enrichir d'une louange vaine, Mais voudriez vous me punir, me blasmer, Me rendre mal pour si bien vous aymer? Vous pourrez bien quand & quand me reprendre, Que j'ay voulu comme trop entreprendre, Mais voudriez vous le destin empescher Qui ma moictié me fait en vous chercher? (1) Voilà pourquoy, au pis aller, je pense Que je n'ay fait que d'un papier despense, Si d'aventure en le trouvant mauvais Avez conclud de ne m'aimer jamais. S'il est ainsi, ne faictes, je vous prie, Que ce papier ne serve de mocquerie Ny d'entretien à celuy de qui l'heur Pourroit trouver chez vous plus de faveur, Mais poifez l'heur que nous aurions ensemble S'il vous plaisoit, car il n'est, ce me semble, Un heur plus grand que le contentement Qu'ont deux esprits unis parsaittement.

(1) Jean de la Taille ne se maria qu'en 1575.



REGRETS

POUR LE SEIGNEUR DE MONGOMMERY

A LA MORT DU ROY HENRY SECOND.

Ainsi qu'on vit jadis le fils aisné du monde (1)
Traîner dans les forests sa vie vagabonde,
Quand luy, premier bourreau, de sa dextre meurtriere
Eut au premier martyr donné la mort premiere,
Ainsi qu'on vit Œdipe, Oreste & Ixion
Errer par l'univers pour la punition

- (1) Cain. Lefranc de Pompignan ne se rapproche-t-il pas quelque peu de la Taille, dans les fameux vers de sa plus belle ode :
 - « Quand le premier chantre du monde Expira sur les bords glacés Où l'Ebre effrayé dans son onde Reçut ses membres dispersés, Le Thrace errant sur les montagnes Remplit les bois et les campagnes Du cri perçant de ses douleurs... etc.

(La mort de J.-B. Rousseau).

De leurs crimes commis, gesnez de facheries, Rongez de mille soings, harsellez de furies :

Ainsi moy, malheureux, à la male-heure né, De mille et mil'soucis sans cesse environné, Assiegé d'ennuis, accablé de regrets, Ne hantant que les lieux sauvages & secrets, Ne resvant qu'à mon mal, & de tous gens arrière, Je suy comme un Timon le monde & la lumière.

Mais je sens, en tous lieux que j'aille, ô moy chetis! Un deplaisir, helas, qui me tourmente au vis; A peine que la rage & le deuil violent Ne m'a le sens osté, ainsi qu'à un Roland.

Maudite soit la nuict en qui je sus conçeu, Et plus maudit le jour que premier j'apperçeu! Quelle estoille gauchere a dessus ma naissance Versé tout le malheur de sa male influence?

O moy cent fois heureux si, naissant avorton, Ains que voir le soleil j'eusse esté voir Pluton! Estoit-ce donc des cieux la fatalle ordonnance, Que je naquisse au damp & au malheur de France! Pourquoy sçeus-je jamais un cheval manier? Pourquoy m'a-t-on appris des armes le mestier, Mestier tant malheureux! pourquoy ai-je autresois Desiré les honneurs des joustes & tournoys? Pourquoy sus-je jamais issu de bonne race? Que n'ay-je esté conçeu entre la populace, Afin que, laboureur plus tost que chevalier,

J'eusse aux champs halleté pour mon pain journallier, Et n'eusse jamais sceu loing de la Cour de France Ny picquer un cheval ny briser une lance!

Ah, que les tourbillons quand j'entray dans la lice Ne m'ont-ils entrayné dans quelque precipice, Et que ne l'est la terre ouverte dessous moy, Alors que je courois à la mort de mon Roy! Je pense qu'un dœmon me retint par derriere Soudain qu'à mon ronçin je donnay la carriere, Mais, las! de mon malheur la fiere violence, Guidant le coup fatal & roidissant ma lance, D'un esclat rejally me fit percer les yeux Jusques à la cervelle au Roy que j'aymois mieux Que mon cueur, tellement que pour fauver ta vie La mienne volontiers je me fusse ravie. Ainsi se complaignoit le triste dieu de Cinthe Quand il eut par mesgarde occis son Hyacinthe, Ainsi se complaignoit l'infortuné Cephale Ouand sa femme il occit de sa fleche fatale.

Helas, Helas, HENRY, puis que la force mienne Estoit indigne d'estre egallée à la tienne, Puis que tu envoyois tous les autres par terre Esclatant sur le fer ta lance comme un verre, Que ne m'a la roideur de ton bras atterré Ains que j'eusse ton œil d'un esclat enserré!

Bon Dieu! quel creve-ceur, quelle confusion Et quels troubles j'ay veu à mon occasion! Par moy la paix nouvelle a presque esté en doute, Par moy toute la Court, voire la France toute Encor, encor soupire, & par moy les François Desormais haïront les paisibles tournois; Par moy tant de beaux jeux & de preparatiss Qu'on faisoit à Paris surent tous inutils.

Hà, qu'un seul coup de lance a mis de changements Aux faveurs, aux estats & aux Gouvernements! Que j'ay, en un moment, fait pallir de visages, Changer d'avis, d'espoirs, d'attentes, de courages! Mais malheureux cent fois qui l'avisa premier D'abattre le fapin, le fresne ou le cormier Pour arondir le boys dont ma lance mornée Fut après en longueur, ains en malheur tournée, Tant que le plus grand Roy du Monde (quel dommage!) En a perdu la vie au milieu de son aage. Déa, quel Rhone, quel Rhin, quelle Seine ou Tamise Me pourra nettoyer de ma faulte commise? Quand la mer dessus moy seroit or degorgée, Ma faulte n'en seroit aucunement purgée, Mais doibs-je appeller faulte, en ce que telle offense, Si offense il y a, je seis par ignorance? Mais tant y a que j'ay pour pleurer cest erreur De mes yeux à peu pres tary toute l'humeur. En tout lieu que je voye, en me monstrant au doy:

En tout lieu que je voye, en me monstrant au doy « Voila, dit-on, celuy qui a tué le Roy. » Ainsi moy, paravant cognu en peu de lieux,

Ores j'acquiers par tout un renom odieux, Non tant par mes vertus qu'autrement, à l'exemple De celui qui d'Ephese alla bruler le Temple.

O valeureux Henry, Prince que tant j'honore, Si quelque sentiment il te demeure encore, Soit que tu sois la bas es Plaines Elizées, Soit que tu sois au Ciel pour tes vertus privées, Pardonne-moy ta mort! regarde mes complaintes, Et de ton serviteur voy les larmes non seintes, Voy le remors & dueil qui mon ame tourmente D'avoir esté l'autheur de ta mort violente!

Las, si de mon erreur vangeance tu requiers,
Je te sacrifiray ma vie volontiers
Dessus ta sepulture ainsi que Polyxene
Par sa mort appaisa du Grec l'ombre inhumaine;
Je ne songe que toy, car ton ombre dolente
Nuict & jour, ce me semble, à mes yeux se presente.
Donc voudrois-tu de moy plus ameres vangeances
Que les soucis cuysans, les aspres repentances,
Et le dueil qui tousjours en martyre me tient?
Ainsi tout mon malheur de ton malheur provient,
Et tout le mal que j'ay, c'est que mal je t'ay sait.

Mais je pry ce grand Dieu pour punir le forfait D'avoir sur un tel Roy souillé ma main sanglante, Qu'il change en vraye mort ma vie languissante, Moy estant soudroyé, que la ronce maligne, L'ortye & le chardon mon sepulchre egratigne, Qu'en lieu de fleurs, de manne & miel delicieux. Il n'y descende rien que la fureur des cieux, Et qu'on y grave autour: « Cy gist Mongommery,

- « Qui, courant à la mort du second roi Henry,
- « (Tant le fort malheureux guydoit fon bois meurtrier,
- « Et l'aile du malheur les pieds de son destrier)
- « A de ce monde esteint, luy esteignant la vie,
- « L'heur, la bonté, la paix, l'amour, la courtoytie :
- « Mais qui a allumé tandis l'impiété,
- « La guerre, le malheur, la haine & la fierté,
- « Comme s'il eust r'ouvert la boette de Pandore
- « Ou qu'un Foudre divin fust dans sa lance encore,
- « Tant cheut en un moment de maledictions,
- « De cris, de pleurs, de maux, & de seditions! »

LE TOMBEAU DU ROY FRANÇOYS II

POUR LE TEMPLE DE ST-DENYS.

Luy mesme parle.

Sache, Passant, qui dessous ceste vouste Vois mon cercueil, que je sus autresois Le Roy de France à peine seize moys, Fils de celuy qui courant à la jouste Vit esclater d'une lance cruelle Son chef sanglant jusques à la cervelle.

Las, par la teste à mort je l'ay veu mettre, Et moy son sils par la teste je meurs, Qui, corrompue & jectant ses humeurs, Perdre m'a fait & la vie & le sceptre, N'ayant regné que jusqu'à l'an deuxième, N'ayant vesqu que jusqu'au dix-septième!

Encor, encor si pour ce peu de vie Fortune m'eust de troubles garanty, Que n'eusse au moins ny son effort senty, Ny ses faux tours, ny sa maligne envie! Mais Dueil, & Peine, Ennuy, Soupçon & Crainte Sont les joyaux de ma couronne esteinte.

Las, je n'ay presque au monde pris haleine, Ny monstré presque aux armes mon ardeur, Ny sceu combien grande estoit ma puissance Ny sceu que c'est de commander à peine Qu'il me fallut, appellé de mon pere, L'accompaigner en pareille misere.

Déa, quel desastre est-ce qui regne en France! Est-ce point Dieu qui la veut chastier? Vueille y pourvoir, ô toy, mon Heritier, Et pour suir la divine vangeance, Cherche d'où vient ceste grande misere Tant que tu sois plus heureux que ton frere. Seroit-ce un vieil forsaich qu'on laisse

A reparer & que Dieu par apres Vomist sur nous sa sureur tout expres? La mort, helas, du Roy mon pere expresse Le monstre assez & de reches la mienne Non moins piteuse & prompte que la sienne!

Je n'eus vivant qu'une vie mourante Fausse & douteuse, ayant non plus de bien Que si au lieu du Roy Sicilien Je susse soubs l'espée pendante : Encor est-il qu'un plomb couvre ma gloire, Et qu'avec moy j'emporte ma memoire.

Le ciel voulut, envieux sur mon estre, Qu'au monde ayant seullement un peu luy, Je suffe à coup d'un brouillas circuy, Sans rien laisser pour me faire cognoistre, Sinon de moy une ame vagabonde Qui s'est rejoince au grand Esprit du Monde.

L'arbre couppé germer encor espere Vieilly dans terre, & par vigueur des eaux Se rejecter en quelques verds rameaux Et d'autres fruicts de son vieil tronc resaire, Mais rien ne sort de nostre souche humaine Que les seuls vers de ceste tombe vaine!

Non que sur toy, Passant, je porte envie, Car tant s'en faut que je plaigne ma mort, Que ton malheur, ta vanité, ton sort Font que plus tost j'ay pitié de ta vie. Plus malheureux aussi je te repute
Qu'un trepassé ou qu'une beste brute,
Pauvre mortel, que Dieu jadis sit naistre
Avec raison, pour avoir plus de maux
Et le plus serf de tous les animaux,
Je plains ton rien, ta vanité, ton estre,
Qui, fol encor, tes malheurs ne contemples
Sur ceux des Roys & sur autres exemples,
Sur moy, qui su un de ces Roys de France
Dont après Dieu il n'est rien de plus grand.
Et puis tu veux, comme estant ignorant
Que d'ord limon tu as pris ta naissance,
Bousser d'orgueil, & puis, quelle folie!
D'un long chagrin tu t'accourcis la vie.

Au moins, Passant, mon pauvre Esprit ne fache; Si, moy regnant, je n'eus aucun repos, Point ne m'outrage, ains laisse en paix mes os; Que si ma mort des larmes ne t'arrache, Apprens au moins à prendre en patience La mort, voyant celle d'un Roy de France.

ÉPITAPHES

L'ÉPITAPHE DU ROY HENRY II

POUR LE TEMPLE ST-DENYS.

Luy mesme parle.

Quiconques sois, Vassal qui marches dans ce temple, De tout mon Regne voy le variable cours! Voy comme la fortune a joué de ses tours Dessus moy bien & mal, & ma vie contemple:

Ha, c'est peu d'estre grand, j'en sers ici d'exemple, D'estre presque adoré par ces royales cours, C'est peu d'abboyer tant à ces honneurs si courts (1), De mendier un sceptre, & faire son regne ample;

Cela passe soudain. Durant que j'ay vescu On m'a veu par la guerre, & vainqueur & vaincu,

(1) Peut-être serait-il difficile de trouver un second exemple d'une imitation aussi précise de la fameuse expression de Lucrèce : ... Nonne videre est

Nil aliudesibi naturam latrare, nisi ut, quum Corpore sejunctus dolor absit, mente fruatur Jucundo sensu...! Comme fortune en moy monstroit son inconstance;

Mais cuydant par la paix estre au bout de mes maux Du desastre & du sort & de tous mes travaux, Moy, mes heurs, mes espoirs sont brisez d'une lance.

L'ÉPITAPHE DU ROY FRANÇOIS DEUXIÈME.

Luy mesme parle.

Que pauvre est de nous, Roys, l'estat, l'estre & la vie, Puis qu'à coup sur noz chess pleut la soudre & la mort! Depite donc, vassal, toy, ton estre & ton sort, Puis qu'à coup Dieu nous a la couronne ravie!

Ta mort, mon piteux pere, ay tout piteux suyvie, N'ayant que respire, comme charmé d'un sort. Aurions-nous bien emeu l'autheur des Roys à tort, Nostre peuple, ou bien nous, quand nous estions en vie?

Mon Frere, qui tiens or le grand sceptre de France, Voy que c'est & repare à Dieu la vieille offense, Qu'il te soit plus qu'à nous de vie & d'heur donné:

Puis voy par ma pitié que c'est d'estre en ce monde, Que c'est de ses honneurs coulans plustost qu'une onde, Et que c'est presque un heur de n'estre jamais né.

L'ÉPITAPHE DE MONSEIGNEUR

LE MARQUIS DE BEAUPREAU, FILS DE FEU MONSEIGNEUR

LE PRINCE DE LA ROCHE-SUR-YON (1).

Luy mesme parle.

Le Ciel, pour depiter d'avantage la France, M'y fit un peu reluire, & puis m'en a osté, Apres qu'il m'eut orné de grace & de beauté, De bonne nourriture & d'illustre naissance.

Le cheval qui tomber me fit par violence, Esteignit avec moy tel don, telle clarté, Tel joyau, tel honneur, & telle majesté Et par terre il rua des François l'esperance.

Au moins devois-je avoir plus de temps & d'espace, Pour parsournir l'espoir qui luisoit en ma face: Et si faire on pouvoit revivre un trespassé,

Les larmes qu'on me fit font que mieux je merite D'estre ressuscité que ce chaste Hippolyte Qui fut ainsi que moy de ses chevaux froissé.

(1) Charles, duc ou marquis de Beaupreau, mort en 1565, fils cadet de Louis I de Bourbon-Montpensier, prince de la Roche-sur-Yon, et frère de Louis II, duc de Montpensier.

L'ÉPITAPHE DE FRANÇOIS DE CLÈVES

DUC DE NIVERNOIS, LE PÈRE (1).

Un prince gift ici qui en honnesteté, En grace, en courtoysie, en douceur, en clemence, En prouësse & valeur, autant qu'en abondance De biens, d'estats, d'honneurs, un vray Prince a esté,

Veu qu'il a par amour & par humanité, Non par ambition, ny par outrecuydance, Des peuples & des Roys gaigné la bienveillance; Que n'a-t-il de la mort gaigné la dureté?

Mais l'envie qu'il eut de fervir bien noz Roys Aux guerres & combats fut plus grande cent fois Que ne fut contre luy de ceste mort l'envie,

Et s'on pouvoit la mort et le roc de son cueur Amollir quelque peu par l'eau de nostre pleur, O que bientost, bientost on le mettroit en vie!

(1) François de Clèves, duc de Nevers, gouverneur de Champagne, fils de François de Clèves et de Marguerite de Bourbon.

L'ÉPITAPHE DU ROI DE NAVARRE

ANTOINE DE BOURBON (1).

Vous, Grands, ceffez, ceffez vostre guerre ordinaire, Amollissez vos cueurs, ne voyez vous le mal Qui peut choir sur vos chess? ce Roy d'un cueur Royal Importunant la guerre y sut tue naguere:

Or estant ce roi preux & ayant eu un frere Sage, vaillant & fort, ainsi qu'un Annibal Mort d'un trespas forcé par un coffre fatal, Puis un autre au milieu d'une bataille fiere (2),

On ne doit l'esbahir si leur frere a esté Meurtry satallement, & mesmes en la guerre Par un plomb violent, pres une grand'Cité;

Mais, mourant sans pouvoir reconquerir sa terre Du sceptre de Navarre, il est allé aux Cieux Conquester pour jamais un regne plus heureux.

⁽¹⁾ Père de Henri IV, mortellement blessé au siège de Rouen (1562).

⁽²⁾ Le duc d'Enghien et le prince de Condé.

L'EPITAPHE DE FRANÇOIS DE CLÈVES

DUC DE NIVERNOIS, LE FILS (1).

Cy gist un jeune Duc, dont la mort pitoyable, La grace, la beauté, le maintien si courtois, Et l'espoir qu'on avoit de cueillir quelquesois De sa haute valeur quelque fruict profsitable,

Monstrent combien on doit tenir pour detestable (2) Toutes armes à seu, qui n'ont comme tu vois Espargné ny les grands, ny les Ducs, ny les Roys, Tant ceste invencion est vrayment miserable.

O maudite pistolle, effroy du genre humain, Incertaine, meschante, execrable, & villaine, Qui deusse estre l'horreur d'une vaillante main!

Les Roys prudents devroient autant prendre de peine A tascher d'abollir de toy l'invention Que les opinions d'une Religion.

- (1) Fils de François de Clèves.
- (2) Détestable est employé en quelque sorte au neutre Detestabile.

L'ÉPITAPHE D'UN

QUI PARLE LUY-MESMES.

Vous Princes, qui passez, vous Roys & vous, Seigneurs, Pleurez sus mon tombeau, non d'envie à l'exemple D'Alexandre le Grand, mais pleurez en ce temple Le pauvre estat de nous & de noz vains honneurs:

O combien plus heureux qui vit sans ces grandeurs, Qui plus content d'un toict que d'un regne bien ample Rit noz ambitions, de loing noz maux contemple, Et qui ne suit les cours de Roys ni d'Empereurs!

Voyez qu'on m'a d'un plomb chassé du corps la vie, M'essorçeant de chasser, ô mondaine sollie! Quelques opinions hors des cerveaux humains.

Mais si je n'ay sait bien en ma vie passée, Ma mort a sait beaucoup qui la paix a causée. Tu as donc tort, passant, si de moy tu te plains.

L'ÉPITAPHE D'UN CUEUR

Dans ce plomb fut enclos un miserable cueur, Lequel ne fut jamais, tant qu'il fut plein de vie, Franc de mauvais pensers, de tourment & d'envie, Ny franc d'ambition, de fraude & de rancueur:

Mais ce fut un cueur faux, duquel la puanteur Engendre icy l'aspic, cueur plein d'hypocrisse, Cueur maling qui n'eut onc que seinte courtoysse, Cueur hay de tous cueurs, cueur de guerres autheur.

On trouve bien le fond de la mer si prosonde, La source du grand Nil, la mesure du monde (1), La fin des monts plus haults, le bout d'un long chemin,

Bref le centre & le cueur de ceste terre ronde, Mais à ce cueur remply d'ambitieux venin On ne trouva jamais ny fond, ny bout, ny fin.

(1) Licences poétiques.

L'ÉPITAPHE DU CUEUR

D'ANNE DE MONMORANCY CONNESTABLE DE FRANCE.

Cy gift le cueur d'Anne Monmorancy Qui eut d'Europe et des Roys cognoissance, Car estant vieil d'age & d'experience Nul connestable egalla cestui-cy.

Plus qu'un Roy mesme il sut heureux icy: Pour le louër on a trop d'abondance. Il sut l'Escu & le Nestor de France, Vainqueur d'Envie & de Fortune aussi.

Son cueur sans fraude oncques ne sut trahy De trahyson ny d'autres cueurs hay, Mais eut les cueurs de ses Roys qui sont quatre :

Cueur où l'on voit le lys caracteré, Cueur qui voulut & mourir & combattre Au cueur de France où il est enterré (1).

⁽¹⁾ Le vieux connétable, Anne de Montmorency, malgré son grand âge, ne cessa de prendre une part prépondérante à la direction politique et militaire des événements. Il mourut sur le champ de bataille de Saint-Denys, à la tête des catholiques, en 1567,

L'EPITAPHE DE JAQUES DE LA TAILLE

SON FRERE.

Avec fon Iliade ici gist un Homere Mort jeune, mort chetis, mort sans qu'on aye sceu Qu'il ayt sceu quelque chose, & mort sans qu'il ayt peu Estre cognu sinon de luy & de son frere.

Il est mort si à coup, que la peste meurtriere Qui mesmes l'a tué ne l'a cognu ni veu, Car le cognoissant bien, eust-elle bien voulu Esteindre de ce temps la suture lumiere!

O quelle perte en France! O Peste, qu'as-tu sait! Mais pour le moins, Passant, ce meurtre est imparsait, Restant encor son frere, ains luy mesme ce semble,

Qui jure luy servir de vangeur & d'amy Et qui vivant de pleurs ne vit qu'à demy, Car tous deux ne vivoient que d'un esprit ensemble.

(1) Mort à vingt ans, auteur de l'Art et Manière de faire des vers, des tragédies Daire et Alexandre.

L'ÉPITAPHE D'UNE JEUNE DAME

OUI PARLE ELLE MESME.

Avec moy gift icy l'esprit, le cueur, la vie Et le contentement de mon dolent amy, Qui ne vit plus, sinon que d'un vivre à demy, D'un vivre qui encor aux desuncts porte envie:

Et si mon ame encor de regrets se soucie, Las, que j'ay de pitié & de soucy pour luy, Voyant ainsi son cueur avec moy ensouy Et de sa veue estre au Ciel, tousjours, tousjours ravie:

Petrarque ainsi de l'œil cherchoit sa dame aux cieux La voulant de l'esprit suyvre comme des yeux. Mais en vain mon amy pour m'y voir se tourmente;

Mon ame est dedans luy, laquelle il engloutit En me baisant d'ardeur ainsi qu'elle sortit; Qu'il se contente donc puis qu'en luy suis vivante!

L'ÉPITAPHE DE LOUYS LE ROUX

SEIGNEUR DE LA ROCHE DES AUBIERS (1).

Luy mesme parle.

Veu que le naturel de l'envieuse Mort Est d'estre toujours siere, hautaine, inexorable, D'estre cruelle, sourde, aveugle, impitoyable, Et de faire mourir les vertueux à tort,

On ne doit l'esbahir si je sens son effort Par le cruel malheur d'une goutte incurable, Moy qui sus vertueux, humble, courtoys, aymable, Qui sus doux & gentil, preux, dispost, & accort,

Pitié fut tant en moy que, mort, j'ay pitié mesme De ma chere compaigne & de son pleur extreme Qui ressemble un ruisseau qui n'a rive ny sond:

Mais quoy? si nous voyons toute chose terrestre Mortelle devenir, mortels donc doivent estre Les pleurs que sus les morts les hommes mortels sont.

(1) En Poitou, près de Bressuire (département des Deux-Sèvres).



SONNETS ET ÉPIGRAMMES

AU ROY CHARLES IX.

Sire, apres vostre sacre il fault que je m'avance De souhaitter à l'heur de Vostre Majesté D'Alexandre-le-Grand la magnanimité Et de ce grand Hercul'la force & la puissance,

De Charle-maigne aussi la Royale excellence, D'Octavien le regne & la felicité, De Cesar l'esprit prompt, de Trajan la bonté, Et d'Hector vostre ayeul (1) le cueur & la vaillance,

Du grand-pere François ceste façon royale Et l'horreur qu'il avoit de l'ignorance sale, Car c'est bien ce qui sied le plus mal à tous Roys,

(1) Le poëte n'hésite pas à faire descendre la maison de France de la race de Priam.

Bref du pere Henry la douceur debonnaire Mais non point le desastre advenu aux tournoys, Ains plus de vie & d'heur que n'a eu vostre frere.

A MADAME SA SŒUR.

Madame, Dieu vous a d'une telle richesse Et d'un tel heur douée en la fleur de vostre aage Qu'au monde on ne sçauroit souhaitter d'avantage De graces ny de biens à une autre princesse.

Il ne vous fault point donc souhaitter la noblesse D'vne Royne Didon, ny son Royal courage, Ni le sçauoir exquis d'vne Corinne sage, Ny la beauté d'Helene ou l'honneur de Lucrece,

Car vous n'avez besoing de la vertu d'vne autre, Mais il faudroit plustost leur souhaitter la vostre: Vous estes accomplie en graces si parsaites

Qu'on ne vous doit louer des grandeurs de fortune, Qui estant aux enfans des autres Roys commune Vous fait sœur d'vn grand Roy, mais de ce que vous estes!

CARTEL POUR UN PRINCE (1).

Je remercie, ô grand Dieu, ta bonté Qui devant tous as fait paroistre en moy La loyauté, l'innocence & la foy Dont on avoit contre raison douté:

Mais quand encor absoubs je n'eusse esté, J'oserois bien protester devant toy N'avoir jamais forsaict contre mon Roy, Ny entrepris contre sa Majesté:

Et s'il y a quelqu'un si temeraire Qui m'ozast dire en cela du contraire, En juste camp je le seroy'dedire.

Mais je t'en laisse, ô Seigneur, la vangeance, Aimant mieux voir, comme j'ay esperance, Mes ennemis d'eux mesme se destruire.

(1) Bien que « le Prince » ne soit pas nommé, on peut aisément conjecturer qu'il n'est autre que le prince de Condé, arrêté à Orléans en 1560, peu de jours avant la mort du roi François II.

A DAMOISELLE CATHERINE

DE PARTHENAY.

Qui voudroit bien vous choisir un espoux Selon vostre heur, vostre grace & merite, Il n'auroit pauvre une terre petite, Mais l'univers pour estre selon vous.

Il feroit beau, sçauant, gentil & doux, Il sçauroit bien où l'amour vray consiste, Il seroit bon, de tous hommes l'elite, Presque accomply, & plus digne de tous.

Si vous avez par election faicle Un tel espoux pour voz dons augmenter, Vous parferez une chose imparfaicle.

Et qui voudroit autre heur vous adjouster, Vous ayant veue au reste si parfaicte, Pour vous le rendre il faudroit vous l'oster.

A UNE DAMOISELLE.

Que n'est mon cueur ainsi fait qu'un miroir Afin qu'à l'œil, comme quand on se mire, Vous y vissiez la playe & le martyre Que vos clers yeux luy sont tousjours avoir?

S'ils font si prompts à le faire douloir, Que ne sont-ils aussi prompts à y lire Ce mal qu'ils sont, & qui tousjours empire, Pour mieux après à pitié vous mouvoir?

S'il vous desplaist que l'amour je vous face, Prenez vous en à vostre bonne grace, A voz vertus qui me forcent ainsi.

Si vous pouvez ces beaux dons effacer Et ces beaux yeux vous arracher aussi, De vous aimer me pourrez dispenser.

A ELLE MESME.

Ce miroir je te donne où est ma pourtraiture, Qui me fait & le taint & les traits si naïfs Qu'il semble qu'elle & moy soyons deux hommes viss Ou bien deux hommes peints, tant elle ensuit nature.

Je suis pour ton amour ainsi qu'est ma figure; Elle est peinte sans cueur, car mon cueur tu ravis; Elle semble un peu triste, aussi triste je vis; Maigre & palle je suis, aussi l'est ma peinture:

Mais d'un poinct seulement il y a difference, C'est que je sens un seu langoureux & cuysant, Mais elle comme boys (6 quel heur!) rien ne sent:

Au moins en la voyant te plaise en recompense, Quand tu conseilleras ta face en mon present, D'avoir du vray portrait pitié & souvenance.

A ELLE ENCORE.

On peut bien voir que feint n'est mon amour, Car sans avoir presque la patience D'estre guery, je suis en diligence, Pour vous trouver, arrivé à la cour:

Mon mal passé, ny la chaleur du jour, Ny le chemin, ny chose d'importance N'ont eu sur moy tant de sorce & puissance Que j'aye sait une heure de sejour.

J'estois venu querir icy santé, Mais vostre grace, excellente en beauté, Et les rigueurs que voulez que j'endure

M'ayant rendu plus mal que je n'estois, Ont converty le mal que je sentois Durant trois jours, en un qui tousjours dure.

Amour, amour, qui causes ma douleur, Faux & cruel, injuste & rigoureux, O que sans toy seroit le monde heureux, O qu'il auroit sans toy de joye & d'heur! Si tu es Dieu, tu es Dieu de malheur, Car cestui-la est bien malencontreux Duquel tu as soubs le cep amoureux Mis une sois le miserable cueur!

Va, tu n'es fils de Venus, mais d'un ours, Qui t'engendra dans l'effroy des deserts : Pourquoy fais-tu noz desirs si divers?

Pourquoy fais-tu, ô meschant, qu'en amours, Ce que je suy, je l'ay, je l'ay tousjours, Et que jamais je n'ay ce que je quiers?

A UN PEINTRE.

Si vifvement mon portrait tu as fait, Qu'il semble à voir que proprement Nature, Et non pas toy, ait portrait ma figure, Tant je ressemble aux traits de mon portrait.

Ha, pleust à Dieu que par un art parsait Tu eusses peint le tourment que j'endure Pour l'amour d'une, à fin que ta peinture Luy fist pitié du mal qu'elle me sait;

— LXXIX —

Ou pleust à Dieu que sur son cueur de marbre, Ainsi qu'on fait sur l'ecorce d'un arbre, Tu m'eusses peint avecques ton pinceau!

Je ferois en lieu plus noble & rare Que je ne suis dessus ton vil tableau, Ny que les Roys qui sont sus leur or avare.

EPIGRAMME

D'UN HERMAFRODITE PRIS DU GREC (1).

Lorsque ma mere estoit grosse de moy, Elle appella trois devins devers soy, Pour sçavoir d'eux ce qu'elle enfanteroit; L'un luy predit qu'un masse ce seroit, L'autre une fille, & le tiers tous les deux.

⁽¹⁾ Cette épigramme, ou, pour autrement dire, cette épitaphe, a été deux fois publiée: 1° dans le premier volume des Œuvres de Jehan de la Taille (Saül le Furieux, etc., Paris, Frédéric Morel... 1572) — 2° à la suite de la Géomance abrégée de Jean de la Taille (Paris... Lucas Breyer... 1574).

Qu'en advint-il? Certainement nul d'eux Ne mentit point: femm'homme je naquis. D'iceux, après, de ma mort je m'enquis: L'un me predit que je mourrois par eau, L'autre par croix, & le tiers par cousteau, Et tout cela qu'ils me dirent m'escheut:

Ce fut un jour que mon espée cheut Du hault d'un saux auquel j'estois monté, D'où par malheur après je me jectay Dessus le ser, duquel estant, helas, Tout transpercé, ma teste cheut au bas Dedans le sleuve ombragé par le saux Qui me retint les pieds à ses rameaux.

Moy donc, qui fils, fille, & neutre j'estois, J'ay enduré l'eau, le fer & la croix.

A UNE PRÉSUMPTUEUSE.

Pour ne sçavoir cognoistre au vray ta gloire, On voit de toy si souvent presumer Que tu te sais facillement à croire Que ton œil peut un chacun enslammer:

- LXXXI -

Pardonne moy, tes yeux font par trop lours, Et n'ont sur moy tel effect ny pouvoir: Ils pourroient bien un lourdaut decevoir, Et me servir d'un remede d'amours.

A SIMON.

Tu ne fais cas, Simon, Que des fiecles passez, Et ne louës finon Les poëtes trespassez. Simon, pardonne moy, La mort je ne souhaitte, Afin d'avoir de toy L'estime d'un bon Poëte.

ANAGRAMMATISMES

OU

NOMS RETOURNEZ

D'AUCUNS GRANDS SEIGNEURS ET DAMES.

AU ROY, SUR SA DEVISE.

La Justice & Piété
Tu portes sur tous Roys:
Si ton peuple a esté
Troublé par dures loys,
Ores que tu es Roy
Chasse la dure loy (1).

(1) Charles de Valois.

A LA ROYNE CATERINE DE MEDICIS.

Puisque par vostre prudence Vous avez bien merité D'avoir grande authorité Vers vostre fils & la France, A bon droict vostre nom dit: Dame, icy es en credit.

A'TRES ILLUSTRE PRINCESSE

MARGUERITE DE VALOYS.

Quand or la vertu auroit
A prendre une forme d'homme,
Ta semblance elle prendroit,
Puisque tu es ainsi comme
Ton nom donne tesmoignage:
De vertus royal image.

— LXXXIV —

POUR LA ROYNE MARIE STUART.

REGRETS D'ELLE A DIEU

SUR LA MORT DU ROY FRANÇOYS 11, SON MARY.

O Toy qui fais ce monde mouvoir Et qui de tout es la cause motifve, Pourquoy m'as-tu, pour estre plus chestive, Fait naistre grande & jeune & belle à voir?

Tu m'as faict grande à fin de plus hault choir, Belle à fin, las! que ma beauté naïfve, Mon taint de lys & ma couleur si visve Par pleurs, par cris se puisse à coup dechoir!

Jeune à fin, las! que je susse en la sleur De mes beaux ans d'espoux veusve & de mere, Que j'eusse icy dueil sur dueil, pleur sur pleur,

Hors de ma terre, orfeline de pere! Las, ma devise est donc: *Tu as martire*, Comme à l'envers mon nom me sçait bien dire.

A ELLE.

REPLIQUE SUR LE MESME NOM, POUR LA CONSOLER.

Helas, quelle pitié de ternir desormais, Par tes cris, par tes pleurs & par te lamenter, Telle rose que toy & tel joyau gaster Comme est ta grand'beauté, laquelle n'en peut mais!

Si tous noz beaux honneurs ne sont que songes vrais, Feins que tu as songé, sans plus te tourmenter, Faisant comme un qui pense, en songeant, posseder Tous les thresors du monde ou un bien a jamais,

Qui fait la mine un peu d'estre faché, ce semble, Quand le facheux reveil tous ses thresors lui amble, Mais, se voyant en fin qu'un vent aux mains, s'en rit.

Dieu sit l'homme de rien : il Luy est donc facile De te faire épouser un beau prince entre mille, Car tu te mariras, ainsi que ton nom dit.

AU ROY DE NAVARRE

ANTHOINE DE BOURBON.

Heureuse sut l'estoille qui ça bas T'a fait, o Roy, si heureusement naistre! Un tel bonheur des le berçeau tu as Que maintenant il ne sçauroit plus croistre.

Heureux tu es d'estre d'une maison, D'une maison a nulle autre seconde, Et n'y a nul qui puisse avec raison En recognoistre une plus grande au monde:

Heureux tu es en biens & en pouvoir, Heureux en regne & heureux en richesses, Et plus heureux pour ta compagne avoir Si digne perle entre toutes princesses.

Dorenavant puis que tu es, o Roy,
Des ta naissance heureux en toutes sortes,
Dire je puys: Bonheur abonde en toy,
Comme ton nom en ta devise porte.

— LXXXVII —

A MONSIEUR LE DUC DE NIVERNOIS,

FRANÇOYS DE CLÈVES.

Comme celuy que Fabien on nomme Fut dit l'escu ou le bouclier de Romme Lors que par luy Annibal sut vaincu, Toi qui n'as moins de sorce & vaillantise, Des maintenant ainsi que pour devise Porte ton nom Soy'de France l'escu (1).

A MADAME ANNE DE HESTE

DUCHESSE DE GUYSE (2).

D'une eloquence si rare Vous avez la langue ornée Qu'il semble que soyez née D'Athenes, non de Ferrare.

- (1) François de Clèves, dont il a été question plus haut, lieutenant général et gouverneur des pays de Champagne, Brie et Luxembourg, comte d'Eu, de Dreux, de Beaufort, etc., mort en 1561. Son fils François fut tuê à la bataille de Dreux, en 1562, à l'àge de 22 ans.
- (2) Anne d'Este, fille d'Hercule d'Este et de Renée de France, qui, après la mort du duc François, épousa Jacques de Savoie, duc de Nemours.

— LXXXVIII —

DE MADAME HENRIETTE DE CLEVES

DUCHESSE DE NEVERS.

Le grave port, l'affable honnesteté, L'esprit royal, la douceur & la grace Et la vertu qui reluit en sa face Demonstrent l'heur en ceste deité.

CAROLI BORBONII (1)

ILLUSTRISSIMI CARDINALIS, ANAGRAMMATISMUS.

Regia majorum te reddunt stemmata clarum Atque bonum tua te prudentia reddidit orbi: Orbis es ergo bono, converso nomine, clarus.

(1). Le cardinal de Bourbon, plus tard roi de la Ligue, mort en 1590.



ÉLÉGIES, CHANSONS SONNETS D'AMOUR

ET AUTRES POÉSIES

DE JEHAN DE LA TAILLE DE BONDAROY (1).

A SA MAISTRESSE.

Pour reveiller en toy ma souvenance, Pour soulager en moy ta longue absence, Ma main t'envoye, ayant ce livre escrit, Au lieu de moy l'esprit de mon esprit.

AU LECTEUR.

Noli mirari me dicere carmen amoris, Nam fonat inter nos verus et æquus amor.

(1) Les pièces qui portent ce titre et qui passent pour les meilleures productions de Jean de la Taille ont paru, en 1574, à la suite de la Comédie des Corrivaux (La Famine ou les Gabéonites... ensemble plusieurs autres œuvres poétiques de Jehan de la Taille... A Paris, par Frédéric Morel, imprimeur du Roy, 1574, in-12), excepté les chansons intitulées : La Religieuse contre son gré et La rustique amie qui ont paru des 1572 avec celles qui précèdent, ainsi que l'épigraphe : L'Autheur d la mort. Plusieurs de ces pièces sont célèbres. Que de sois, par exemple, n'a-t-on pas cité la charmante chanson : Le Blason de la Marguerite, La rustique amie, la chanson III?...

UN GENTILHOMME A L'AUTEUR.

Amour, voulant sa gloire estre avancée Et ses honneurs estre par toy chantez, Choisit le trait qui les Dieux a dontez Dont ta poictrine à l'instant sut blessée:

Ton âme a donc, jusqu'aux cieux elancée, Sur le patron des saincles de tez Conceut les traits des plus rares beautez De la beauté qui nourrit ta pensée.

Heureuse donc la dame dont les yeux Bruslent ton cueur d'un seu si gracieux, Ayant choisi un amant si fidelle,

Et plus heureuse ayant eu ce bon heur D'avoir trouvé un si gentil sonneur Qui par ses vers la peut rendre immortelle s

ÉLÉGIES.

ÉLÉGIE I.

L'extréme amour me contraint de t'escrire
Puis qu'it te plaist n'escouter mon martyre
Ny mon doux chant qui pourroit t'enchanter,
Voire un aspic s'il vouloit escouter,
Puis qu'il te plaist desdaigner ma presence,
Chiche vers moy d'accueil et d'audience,
Puis qu'en mon mal je n'ay pour me guerir
Autre art sinon d'escrire ou de mourir :
Tu ne dois donc, veu ma triste adventure,
De mon escrit resuser la lecture;
D'un enmemy on lit bien le cartel.
En ton endroit, helas, je ne suis tel :

En ton endroit, helas, je ne suis tel:
Car tu sçais bien que pour t'amour extréme
Je me suis sait ennemy de moy-mesme
Et que bien tost me conviendra mourir
S'il ne te plaist, Belle, me secourir!

Si tu sçavois les tourments que j'endure

Pour ta beauté, pour ta vaine figure Et pour cela qu'en toy ne puis nommer Qui tout en feu fait mon cueur consumer, Tu n'es si jeune & siere de nature, Veu ma langueur, qu'au lieu de m'estre dure, De me resuir & rebutter ainsi, De moy tu n'eusse & pitié & merci.

Je n'en puis plus, je seiche & me consomme Sans m'oser, las, decouvrir à nul homme! Tout le plaisir que je prens nuict & jour Est de resver en toy & ton amour, Tousjours j'y pense & ta sace plaisante A moy tousjours, tousjours se represente.

Souvent pensif, je n'oy qu'on parle à moy
Si ce n'est ceux qui me parlent de toy,
Et tout expres en un lieu solitaire
J'aime à me perdre & de gens me distraire
Pour mieux penser en toy qui ne te chaux
De moy si triste, encor moins de mes maux.
Bres, je ne puis durer en ta presence
Ny moins encor supporter ton absence,
Et sans pouvoir ny dormir ny veiller,
Au lict ne sais qu'en pleurs me distiller.

Ha, pleust à Dieu ne t'avoir oncques veuë, Puisque tu n'as de ma desconvenuë Nulle pitié, ou que mort j'eusse esté Ains que ton œil m'eust si fort enchanté! Je n'eusse au cueur ceste plaie receuë Qui sans mourir mil sois le jour me tuë.

Comme une fleur perd son beau teint vermeil, Comme la neige ou la cire au soleil Ou au seu sond, comme d'un sort magique Un beau poulain languit & meurt etique, Ainsi je sonds, je seiche & meurs pour toy, Et cependant tu n'as pitié de moy.

Las, quantessois ay-je par la campaigne Erré, pour suir l'amour qui m'accompaigne, Ay-je tasché, le portant à cheval, De l'estranger pour divertir mon mal!

Et quantessois me suis-je en un bocage Seul egare pour destourner sa rage! Ay-je tasché d'enchanter, ô moy sol, Sa rage, dis-je, au chant du rossignol, De le sevrer et d'oublier ta grâce Par la lecture ou le jeu ou la chasse!

Et quantessois me suis-je veu tenté D'aller au loing, de sureur tourmenté; D'aller parler aux sorciers pour distraire De moy l'amour, que je ne puis dessaire Par nul travail, exercice, ny sort, Ny par mes vers, si ce n'est par la mort.

C'est toy qui es mon mal et mon remede; Herbe ni jus ne peut me donner ayde, Ny l'art maudit des Devins que je suis. Je suis perdu, & trouver ne me puis Sinon en toy, ou mon âme insensée De ton amour j'ay de bon cueur laissée: Tu viendras donc toy-mesmes offenser Si de m'aider tu ne veux t'advancer.

Ne remets donc mon prier en arriere! On flechit Dieu par louange & priere: Ne crains-tu point l'irriter contre toy En desdaignant l'alliance de moy, Ou qu'un despit dans mon cueur ne s'allume Qui contre toy pousse aigrement ma plume Pour me vanger de ton ingrat devoir? Plutoft fur moy la foudre puisse choir! Mais ne permets que miferable on nomme, Pour ton amour, ce pauvre gentilhomme Qui ne se veut vanter pour t'esmouvoir, Ny mettre en jeu merite ny devoir, Scachant en luy fon merite inhabille Pour meriter ta grâce si gentille, Ny remonstrer l'heur de telle union, Estant tous deux & d'une opinion Et d'un païs & d'une conscience, Ny vanter biens, ny commode alliance, Disant qu'en biens il te peut surpasser Et que tu dois l'amour recompenser, Ny alleguer qu'en ce temps ou nous sommes, Quant tu pourrois en telle cherté d'hommes

Choisir à gré, pour ton bien ny plaisir Tu n'en sçaurois un plus propre choisir.

D'un cueur gentil ce reproche est indigne, Sans plus je quiers que ta grâce benigne, Recompensant mon desfault, ait pitié De ma parsaicle et si longue amitié Qui cherche en toy non les biens mais toy-mesme, En qui l'honneur & vertu, sans plus, j'ayme (1).

Voilà pourquoy tu ne devrois aymer
Quelque ignorant qui ne sceust estimer
Tes dons de grâce & ne sceust, deshonneste,
Qu'en toy chercher le plaisir d'une beste,
Qui, jeune ou sol, ne sceust te contempler,
Si bien que moy qui ne puis m'en saouler
T'appercevant si belle & si aymable
Et si je suis, pour trop t'aymer, coulpable,
Tu en es cause, ayant de toy osté
Je ne sçay quoy de grâce & de beauté,
Qu'en toy, ravy, plus qu'un autre j'admire,
Tu m'osteras de peine & de martyre.
Je sçay qu'icy tu pourras sans raison

⁽¹⁾ Ces vers ont été publiés en 1574 et le poète ne se maria qu'en 1575; nous ne savons pas à qui ils s'adressent: le poète dit bien que l'objet de sa flagame et de ses verux est de la même conscience que lui, mais aucun document ne nous a permis de mesurer la portée précise de cette affirmation; nous supposons seulement (c'est auxe puse supposition) qu'il a entendu par là se dire catholique, mais saus l'affirmer.

Dire, alleguant ton âge & la faiton,
Qu'aux passetemps d'amour ny d'hymenée
La raison n'est propre ny addonnee,
Que l'âge encor dispenser ne te peut
D'aymer si tost & que mon desir veut
Cueillir un fruict trop vert, qu'on ne moissonne:
Mais croy qu'Amour ne respecte personne,
Le temps, ny l'âge: & puis voudrois-tu bien
Pour un peu d'ans tarder d'amour le bien,
Qui ne pourroit se recouvrer peut estre?

D'esprit gentil je te sçay si adextre, S'il te plaisoit pour amy m'accepter, Que l'amour vert tu sçaurois bien haster Comme d'un fruict la saison lon advance, Ou bien j'auroy'd'attendre patience.

Je sçay qu'aussi plusieurs, pour me blasmer, S'esbahiront comme on peut tant aymer
Un ensant presque, en qui Dieu (ce leur semble)
Tant de beautez ny de graces n'assemble
Pour en mourir, mais si eux te voyoient
De mon propre œil, comme moy ils mourroient...
Ou s'ils avoient d'amour fait preuve extrême
Excuseroient en moy l'erreur d'eux-mesme (1).

Je ne suis seul qu'Amour met sous sa lor

Je ne suis seul qu'Amour met sous sa loy

⁽¹⁾ Corneille a absous cette restriction en se l'appropriant :

a Ou qu'un beau désespoir alors le secourût!

Ny le premier : de plus sages que moy N'ont evité sa divine puissance.

Si tu en as ja fait l'experience, Ayes au moins de moy quelque pitié Et par la tienne enten mon amitié.

M'ayant connu, possible aurois-tu honte De fuir celuy duquel tu ne sais conte, N'ayant de luy qu'apperceu le dehors, Qui ne sait l'homme, ains le dedans du corps Où est enclos le bon vouloir en somme, Sçavoir, vertu, & le thresor de l'homme.

Connoy moy donc & prens pitié de moy. Ainsi jamais ton cueur n'ait mon esmoy.

Mais s'il te plaist n'avoir merci quelconques De ma langueur, say moy tost mourir doncques, Tien mon espée & le coup de ta main, Où tu voudras en mon cueur, en mon sein, Je recepvray... mais, las, que dis-je, où suis-je ? Ha, tu peus voir comme l'amour m'afflige!

Donc je te pry par ta jeune beauté, Ne rend en moy, qui me sens rebutté, Ceste vertu & malheureuse & vaine, — Dont en main lieu j'ay fait preuve certaine Avec la plume, & les armes au poing, — Qui cependant ne m'aide au besoing.

ÉLEGIE II.

A UNE DAMOISELLE (I).

Vous ayant veuë à cause de l'absence De vostre espoux en grand'impatience Vivre d'ennuis & ne song'ant qu'en luy, N'avoir plaisir & vie qu'en autruy; Vous ayant veuë de la guerre affligée, Je dois tacher à vous rendre allegée De vostre ennuy, par devoir d'amitié, Ayant ce bien de vous estre allié.

Mais quand je pense aux malheurs où nous sommes Et que nous-mesmes entretuons nos hommes, Quand je repense en nos propres cousteaux Trois sois sichez dans nos propres boyaux,

(1) La Taille adresse cette pièce à l'une de ses cousines pour la consoler de l'absence de son mari catholique et militant, et il ne manque pas cette occasion d'insinuer que pour se rencontrer face à face sur le champ de bataille l'on n'en est pas moins bons amis et bons parents. Il s'agit probablement ici de Geneviève Berthomier (fille de Jean, seigneur d'Olivet, gouverneur de Montfort l'Amaury et de Geneviève Brachet), mariée par contrat du 13 décembre 1563 à Jean de la Taille, reigneur d'Hanorville et de Faronville, qui servit avec les catholiques.

Et qu'au milieu de France on voit l'Espaigne, Suysse, Angleterre, Itale & l'Allemaigne, On voit d'erreurs les rois enveloppez Et les plus grands de passions pippez, Et que la lune a fait plus d'une année Dans son char brun ja vingt sois retournée Depuis qu'on voit derechet ces discords Où plus de mil gentils-hommes sont morts; Bref, quand à tout je repense & repense, De lamenter, helas, je vous dispense; Et qui, bon Dieu, riroit or! Toutefois Je vous plein fort, n'ayant veu en vingt mois Celuy qui est vostre moitié fidelle. Mais combattant en si juste querelle Pour son pais, sa reputation, Son Roy, sa vie & sa religion, Sur son honneur estes-vous envieuse. Vous qui devriez vous reputer heureuse Que Dieu vous ait doué d'un tel mary! Pour sa querelle, ha, que je suis marry Que mon destin n'a permis que je fusse De son party, mesmes que j'y mourusse, Plutoit qu'avoir suivy un autre camp.

Combien de fois, dessus un mesme champ, Estant d'un sang, d'un nom & d'unes armes Sans se connoistre au faict de mil allarmes, Nous sommes-nous rencontrez aux hazars! Mais entre nous toufjours ne sera Mars, Toufjours ne pleut, & nous verrons, possible, Apres l'orage un estat plus paisible, Et vostre espoux estant tost de retour Plus que jamais sleurira vostre amour:

Tandis il faut vous rejouir, en sorte Que ses travaux avec vous reconsorte Quand il viendra, & ne vous trouve point Triste, ny maigre, ou bien en mauvais point.

ÉLÉGIE III.

D'UNE DAMOYSELLE A L'AUTHEUR.

Puis que je vis tousjours en passion, Tairay-je donc l'extréme affection Que je vous ay secrettement portée, Et la taisant m'a presque transportée?

Doncques sçachez qu'estes Roy de mon cueur, Mais vous aymant, je n'en ay que malheur, Pour une, helàs, qui si fort ne vous ayme. Que j'ay pour vous d'impatience extréme! Je sçay tres-bien qu'en richesse & beauté

Elle me passe, & non en loyauté, Que pour cela elle a trop d'abondance, Et que j'en ay trop grand'faute & souffrance. Doncques fault-il pour des biens le desir .. Ne regarder à moy, ny au plaisir, Ny à l'amour si violente & forte Que maugré moy à vos vertus je porte? Doncques fault-il pour mes affections Que j'aye tant de maux & passions, M'appercevant que je ne suis aymée? Donc fault-il estre à bon droit estimée, Veu ma fureur, fotte d'entendement, De m'estre ainsi jettée en ce tourment? Si pour tous ceux on faisoit quelque histoire Qui en amours ont eu malheur notoire Ou qui ont fait l'amour estrangement, On me devroit faire quelque romant, Car en amours ne suis moins fantastique Qu'une Marphise ou bien une Angelique Mais c'est à moy grand'honte & creve-cueur, Servant de fable & de conte au moqueur! C'est un grand cas qu'il faut qu'envers la belle Que vous servez je serve de Carmelle (1),

⁽¹⁾ Damoiselle Carmelle, chargée à Constantinople d'une ambassade amoureuse près de l'infante Léonorine de la part du beau et brave chevalier Esplandian, fils d'Amadis (Amadis de Gaule, cinquième livre, chap. XXI).

Parlant pour vous; au moins si mon amour Avoit espoir de recompense un jour, Et vous suivant, je puisse errer comme elle! Mais aujourd'huy la coustume n'est telle.

Je sçay qu'avez quelque autresois senty Que c'est d'amour & d'aymer sans party, Quelle est sa rage, & quelle est la tempeste Que nuit & jour il me cause en la teste, Dont m'excusant, peut estre, me plaindrez, Meu de pitié, ou bien vous me tiendrez Pour une solle aymant sans estre aymée.

Or je m'estoy de croire accoustumée, Veu ma langueur, veu ma longue amitié, Que vous auriez de moy quelque pitié: Mais, commençant à sentir le contraire, De vous il saut tascher à me distraire, Puis qu'envers moy & Fortune & l'Amour Et le Destin me sont si lasche tour.

ELÉGIE IV.

POUR RESPONSE A LA DAMOYSELLE.

Ma Damoyselle, oyant en vostre plainte L'amour non feint dont vous estes attainte, Qui pourroit mesme à grand'compassion Flechir le cueur d'un tygre ou d'un lyon: Moy qui tousjours ay porté de nature, N'ayant un cueur fait d'une roche dure, A toute dame honneur & amitié, Consesse icy de vous avoir pitié.

Ha, pleust à Dieu qu'amour peust si bien saire Qu'à vostre amour je peusse satisfaire!

Mais, ayant ore à une autre engagé
Mon cueur, ma foy, & mon amour rangé,
Il vous plaira ne trouver point estrange
Si mon amour autre part je ne range,
Si je ne puis ce qui n'est plus à moy
Vous despartir, car je n'ay qu'une foy.

Non que soyez indigne ou mal-habille, Ains plutost belle & honneste, & gentille, Mais c'est amour merveilleux en ses faits Qui fait qu'icy je ne vous satissais.

O que d'amour la merveille est terrible, Qui fait que j'ayme en un lieu, où possible Ne suis aymé: qui fait qu'aymé je suis En autre lieu, où aymer je ne puis!

Voyla pourquoy je croy le destin estre Le Roy d'amour, le seigneur ou le maistre, Et comme il fait de toute chose icy, Qu'il le conduit & le gouverne aussi, Ou bien quelque astre a dessus ma naissance Tourné l'aspect de sa malle influence.

Amour, amour traistre, injuste & pervers, Pourquoy sais-tu nos desirs si divers? Pourquoy sais-tu que tousjours je rencontre Ce que je suis, & que par mal'encontre Je n'ay jamais ce que plus je poursuis, Et que n'aymant souvent aymé je suis? Je sçay qu'aucuns, riants de ma constance, De vous aymer n'en faisant conscience, M'allegueront que c'est és vieux romants Que lon passoit l'arc des loyaux amants:

Mais celle-là que je sers est si belle Et l'amitié que je luy porte est telle Que digne elle est d'un Roland, & vaut bien Qu'on sist pour elle un siege Troyen.

Que si Roland, que si d'autres en grace Me vont passant, en amour je les passe, Comme son sexe elle passe en beauté, Comme le mien je passe en loyauté.

Je sçay vos maux qu'on ne pourroit descrire, Et par le mien je sçay vostre martyre: Mais à cell'fin que ne sondiez au seu Comme la cire, il vous faut peu à peu Desraciner l'affection extrême, Vous commander, & n'aymer que vous mesme, Vous promettant qu'avec compassion Vous aymeray d'honneste assection. Je vous conseille autrement qu'en Ardeine Alliez chercher l'oublieuse fontaine Du fils d'Aymon, pour vous faire oublier L'amour, duquel il vous faut delier.

Join due m'amour vous seroit inutile: Contraint d'aller à la guerre civile, Ou combattant, & vous ayant mon cueur, Comment sans cueur pourroy-je estre vainqueur!

ÉLÉGIE V.

Puis qu'en ce camp j'ay bien sçeu la nouvelle Qu'une mort fiere a de moy disjoint celle Dont le cueur fut au mien d'un nœu estroit Si bien uny que mesme en mon endroit La mort ne peut estre son Alexandre:

Puis que j'ay sçeu que n'ayant peu attendre, Mon long retour, ny peu vivre & soussfrir Ma longue absence, elle a voulu mourir:

Puis qu'aujourd'huy la plus belle, où nature S'estoit vaincuë en faisant sa figure Et ses beaux traits d'une proportion, Avec le taint bel en persection Qui daignoit bien saire en moy quelque estime De la vertu & careffer ma ryme, De qui j'estois aymé & honoré Et de son cueur à peu près adoré: Puis qu'aujourd'huy pour jamais, de ma veuë La plus gentille, helas, l'est disparue:

Puis qu'envers moy son amour n'estoit seint, Comme on peut voir, ny leger, ni contraint, Me surpassant sans louer sa grand'race Et de grandeur & de biens & de grace : Puis que je voy la separation De deux esprits parsaits en union :

Venez foupirs, venez lascher la bonde
Au roide cours de ma douleur prosonde:
Et, comme on voit qu'un torrent surieux
Rompt digue & bord, ainsi, que de mes yeux
Sorte un torrent, lequel renverse & baigne
Prez, monts & bois & rochers & campaigne,
Dont la fureur, la tempeste & l'effroy
Se face our des Cieux jaloux sur moy:

Que mes soupirs & mes larmes deviennent Vents & ruisseaux, que, joints ensemble, ils viennent Faire une mer ou soit plus dangereux De naviguer qu'en l'Ocean si creux!

S'il est permis de plaindre à la tourtr'elle, Combien plus qu'elle un amant plus fidele Doit par ses cris & ses douloureux chants Faire emouvoir & les bois & les champs? Arriere donc tout passe temps publique, Joye & festins, le bal & la musique, Je ne veux plus pour monstrer ma douleur Que l'incarnale & la noire couleur (1), Puis qu'aujourdhuy celle n'est plus en vie Pour qui j'avois de m'esjouïr envie.

Ha, peu s'en faut que par grande fureur, Comme d'aucuns, je ne tombe en l'erreur D'un qui disoit que Dieu n'a cure aucune Du genre humain, laissant faire fortune: Puis que, la hault, estant comme ocieux, Tournant sans plus les astres et les cieux, Il soussre & voit de l'union parfaitte De deux esprits la division faitte: Et peu s'en faut que le dueil violent, Mon sens ne trouble, ainsi qu'à un Roland!

Las tu es donc, amye, trespassée, D'amour, d'ennuis & de douleur forcée! Mais je te jure, — & qui eust peu penser Que mon depart te deust tant offenser? — Que maugré moy je partis de ta terre, Pour le devoir & l'honneur de la guerre, Dont le regret que j'en ay tant me mord

⁽¹⁾ Le mot incarnale ne doit pas être pris au pied de la lettre; le rouge n'était pas, au xv1° siècle, une marque de deuil. M. Quicherat, dans son Histoire du costume, a même démontré qu'on avait porté, en deuil, presque toutes les couleurs, excepté celle-là.

Qu'à moy tousjours se presente ta mort.

Mais que t'avoy-je, ô mort trop enuieuse, Fait que tu m'es si dure & rigoureuse, Je m'esbahy que d'elle la beauté N'a peu de toy slechir la cruauté!

Las qu'avec elle enterré mort ne fuis-je, Je serois, las, heureux où je m'afflige! Ou que ne fuis-je entre tous mes hayneux, Entre mil fers & mil glaives faigneux, Afin qu'aucun, m'enferrant d'une lance, Finist mon deuil avec quelque vaillance, Ayant fait voir, l'arme au poing, ma valeur Qu'augmenteroit la rage & la douleur!

Je ne veux plus, pour aller apres elle, Vivre icy-bas; Muse, mon char attelle Afin qu'au Ciel j'aille où elle m'attend! Il m'est advis que je l'oy & me tend Ses bras cognus, ou qu'apres soy regarde, Si je la suy, criant que trop je tarde!

Fault-il qu'un corps si parfait & si beau Soit en sa fleur l'ornement d'un tombeau? Que soit maudite à jamais ceste guerre Qui m'esloigna d'elle en diverse terre: Si pour le moins j'eusse peu à sa mort Par ma presence user de reconsort, J'eusse tant fait, comme elle d'une œillade, M'a quelquesois guery estant malade,

Par mon prier, mes pleurs & mon accueil, Que mon amour l'eust mis hors du cercueil : Ou bien cedant, comme elle, au dueil extréme. On nous eust mis dessous un tombeau mesme Et eust on fait sur nous loyaux amants Quelque epitaphe ou bien quelques romants : Car nostre amour, & sa beauté pudique, Vault bien qu'on face une histoire tragique.

O mort, tu as destroussé Cupidon De trousse & d'arc, de flesche & de brandon, Et sans soleil presque laissé le monde Et moy sans joye en tristesse prosonde!

Les elements, voire le genre humain, Devroient pleurer mon desastre inhumain, Qui sont restez comme un anneau sans pierre, Devroient pleurer l'air, la mer & la terre, Qui sont restez comme un jardin sans fleur: Mais le ciel rie, enrichy de mon pleur!

Mais foit qu'au Ciel pour tes vertus prisées Tu sois, amye, ou aux champs elizées Avec Didon, souvienne toy de moy; Si quelque amour encor demeure en toy, Oy mes regrets, mes douloureuses plaintes, Mes vrays soupirs & mes larmes non seintes.

Fay moy ce bien, si encor ton desir De ton amy desire le plaisir, Lorsque chascun en doux sommeil se plonge, De t'apparoir à moy fouvent en songe, Asin d'ouir & voir les plus beaux yeux Que je vis oncq, le ris plus gracieux, Le doux devis & la plus clere face Qu'eut oncq Diane & l'accueil et la grace Des bras & mains & les cheveux encor Qui rendoient palle & le soleil & l'or, Dont toy vivant je prenoy nourriture, Et qui aux vers servent or de pasture.

Mais si au Ciel ton âme est jointe à Dieu, Je veux n'aymer que luy, & dire adieu A Cupidon, jusqu'à tant qu'un jour j'aye, Ainsi que toy, la jouissance vraye De l'immortelle & parsaitte beauté Dont j'ay en toy quelque rayon noté!

ELEGIE VI.

Si de sçavoir vous avez quelque envie Quelle est, durant votre absence, ma vie, Je veux au vray vous la depeindre icy, Bien que de moy n'ayez aucun soucy.

Donc aussi tost que ma triste adventure M'eust sait ouïr vostre response dure, M'eust sait vous dire, en montant à cheval, L'adieu dernier, mon cueur reçeut tel mal

Qu'il fut contraint de me laisser à l'heure Pour faire en vous eternelle demeure, Tant qu'il fallut m'en retourner sans luy, Accompaigné d'un si cruel ennuy Que je cuiday ceder à la mort blème.

Mais auffi tost que la douleur extréme M'eust fait, chez moy, des miens distraire seul, J'ouvre la porte aux soupirs & au dueil: Et m'accoudant au bord d'une fontaine Je soupiray ceste complainte vaine Qui pitoyable un rocher eust brisé Et de la mer le grand slot appaisé.

Làs, il faut bien que je sois peu aymable
Ou qu'en amours je sois bien miserable,
Puis que la grace acquerir je n'ay pu
De celle-là, pour qui je suis perdu,
Puis qu'elle m'est si fiere & dedaigneuse
Que de mon mal se rit peu soucieuse,
Qu'elle ayme mieux vivre en subjection
Contre son Dieu & sa religion,
Qu'avoir de moy la commode alliance,
Qu'elle ayme mieux, forçant sa conscience,
Estre au hazard, contre l'avis des siens,
D'avoir party moindre en grace & en biens!
Làs, il faut bien que je sois peu aymable,
Ou qu'en amours je sois bien miserable,
Puis que jamais gouster ny pratiquer

Ne m'a voulu, ny en moy remarquer
Les dons que Dieu, par dessu le vulgaire,
M'a departis, qui n'ont sceu luy complaire!
Puis que le vent emporte les doux sons
De mes soupirs, & rymes, & chansons,
Puis qu'à l'aymer j'ay perdu, làs, ma peine
Et fait du temps une despense vaine.
Puis qu'elle a creu, par un faux jugement,
Qu'elle n'eust sceu m'aymer aucunement!

Làs, il fault bien que je sois peu aymable Ou qu'en amours je soys bien miserable, Puis que je n'ay ny l'espoir desormais N'y l'heur d'entrer en sa grace jamais, Puis qu'elle suit, & puis que de sa vue J'ay pour jamais l'esperance perdu!

Que dois-je donc desormais esperer, Puis que mon cueur je ne puis retirer? Que fault-il donc desormais que je brasse? Fault-il toujours que mon cueur la pourchasse, Qui d'autres cueurs est plaint & honoré? Fault-il qu'il soit d'elle ainsi dechiré?

Làs, il fault bien que je sois peu aymable, Ou qu'en amours je sois bien miserable, Puis qu'en un champ trop ingrat j'ay semé, Et que ne puis aymer sans estre aymé! Peult on voir doncq'un gentil-homme au monde Qui plus que moy en tristesses abonde, Qui foit d'amour plus laschement trahy,
Plus mal-traicté, mal-voulu, & hay!
O faux amour! ô vertu miserable,
Puis qu'au besoin tu ne m'es secourable!
O Muse vaine, ô sçavoir malheureux,
Puis qu'aujourd'huy l'ignorance plaist mieux!
O faux-rapport, faux-blason, fausse envie,
Qui ma vertu vers elle avez trahie!

Ainfi, au bord d'un ruiffeau estendu, Un lac de pleurs sur l'herbe ay respandu, Souvent tenté par l'espée trenchante De donner sin à ma vie dolente Ou souhaittant & l'adventure & l'heur Du beau Narcys qui fut mué en fleur.

Mais en faisant quelque pause à ma plainte, J'ay l'ame encor d'angoisse plus attainte, Quand pres de moy mon œil voit escarté Ceste fleur, làs, qu'en valeur & beauté Vous sur-passez, & que je porte escritte Au cueur, estant la fleur des fleurs d'elite (1), Qui vostre nom ramentoit à mon cueur, Quand d'elle j'ay & la veuë, & l'odeur.

J'auray toussours en la bouche & au cueur

La Marguerite estant des sleurs la steur...

(Sonnets d'amour, 2° série, premier sonnet).

⁽¹⁾ Le poète parle ici de la marguerite. Plus loin, il célèbre encore la plus belle et gente Marguerite qui soit en France, & perle & fleur d'elite, et il s'écrie :

Que me sert, dis-je, ô gente sleur, ta veuē, Si la presence ay de celle perdue
Qui a de toy le beau nom emprunté?
Que me sert. làs, qu'en valeur & beauté
Et qu'en odeur elle ainsi te surpasse,
Si le ciel cause entre nous tel espace?
Si d'elle absent je n'ay aucun espoir
De la gaingner, ny mesmes de la voir?

Ainsi ces sleurs rengregent mon martyre, Et les voyant ou baisant je soupire, Presque contraint de me tenir reclus Dedans ma chambre, où encores bien plus Le souvenir de vous vient à ma porte M'importuner, qui si bien me transporte Que, sans vouloir ny manger ny dormir, Au lict couché je ne sais que gemir, Me retourner, si triste en tels allarmes Que mon lict nage en soupirs & en larmes.

Mes familiers, craignant qu'à ma fanté le face tort en ceste extremité, Tachent d'oster par remonstrance vaine Mon cueur de vous, mais ils perdent leur peine, Car je ne puis d'amour me despestrer.

Ceffez, amys, de plus me remonstrer: Trop gaingne en moy ce venin agreable, Qui jusqu'à l'os dans moy rampe incurable, On ne le peut divertir par raison, Car de la Mort depend ma guerifon.

Ainsi je parle, & n'ay en lieux quelcon ques Repos ny bien: où pourray-je aller doncques Pour fuir le mal que m'ont fait vos beaux yeux?

Souvent en vain j'erre aux plus deserts lieux, Ou plus des gens la trace est recullée.

Il n'y a roc, beste, oyseau, ny vallée, Bois, ny ruisseau qui n'oye vostre nom, Et de mon mal n'ait grand'compassion.

Si d'autre part par la campaigne j'erre, C'est lors qu'amour me livre plus la guerre : Ainsi le cerf, qui porte au flanc un dard, Ne suit son mal pour s'ensuir à l'escart.

Si j'oy parfois le Rossignol qui chante, Et comme moy, son mal, peut-estre, enchante, Je me lamente, & d'un chant aussi doux Je fais aux bois retentir mon courroux.

Hà que je suis envieux sur son ayse, Car quand il veult il estaint ceste braize Qu'amour luy cause, & gouverne tousjours Du bec, de l'aile & du chant ses amours, Mais moy absent d'une siere maistresse Je ne vis, làs, qu'en pleurs & qu'en destresse.

Tout me desplaist, je ne m'ayme où je suis, Et m'ayme aux lieux où estre je ne puis.

Si je me trouve en feste ou compagnie, C'est lors, qu'absent de vous, plus il m'ennuye, Que voyant tout, & ne vous y voyant, Je ne voy rien qu'un plaisir desplaisant.

Mais quand la nuit fait qu'un chascun se plonge En doux sommeil, c'est lors que plus me ronge Vostre semblance, il m'est tousjours advis-Qu'avec vous j'erre ou que j'oy vos devis.

Je n'ay plus soing d'affaire domestique, De biens, d'honneurs, ny du malheur publique, Je meurs sans mort, j'espere sans espoir (1), Et veux grand bien à qui me fait douloir.

Hà pleust à Dieu que la crainte & la peine Que j'ay pour vous, vous fust or'bien certaine, Que j'ay pour vous, & pour vostre santé!

Mais de ma crainte & de ma fermeté Il ne vous chault : au moins en recompense, Si de moy, làs, vous aviez souvenance!

De vous tousjours, de vous il me souvient, Et celle porte à moy tousjours revient Où vous laissay, ains me laissay moymesme. Je m'esbahy, comme tant je vous ayme, Et veu l'espace & du temps & des lieux Qu'absent je suis de la grace & des yeux

(1) C'est un peu le vers cité par Molière :

On desespère alors qu'omespère toujours.

Chose touchante, cet hémistiche est reproduit à la fin des œuvres du poète, c'est son dernier mot. Qui me charmoient, je m'emerveille comme Je n'ay fevré l'amour qui me consomme!

Làs, quantes fois transporté de courroux, Ay-je pensé d'escrire contre vous
Pour me vanger de vostre façon rude,
Ay-je accusé de vous l'ingratitude,
Le peu d'amour, le peu de jugement
Qu'avez monstré au choix d'un vray amant
Qui vous eust fait une nymphe admirable
Par son bel art aux nymphes agreable,
Ay-je pensé de vous taxer ains!

Doncques tu n'as ny pitié ny foucy De l'amour vray, dont je t'ayme & t'honore, Dont tu n'es digne & ne te chault encore De mon tourment, ny de rendre mon cueur Que tu detiens avec telle rigueur! Doncques tu es si nice & mal apprise De mespriser un qui t'ayme & te prise! Doncques tant plus je pourchasse ton bien, Et plus tu fuis, sans te cognoistre en rien! Doncq'tant plus j'use envers toy de poursuite Et d'humble accueil & plus tu prens la fuite! Doncques ayant mon pauvre cueur foubstrait Par mainte œillade & par maint faux attraict, Tu le massacre, ô fiere & dedaigneuse, Tu es vers luy plus qu'vn tygre outrageuse, Nonobstant, làs, sa priere & son pleur

Qui d'un lion amolliroit le cueur! Puiste arriver que Dieu dessus ta teste, Pour te punir envoie une tempeste Qui d'un horrible & violent esclat Brise ton cueur cruellement ingrat! Puisse arriver que Dieu sur toi arreste Tel chastiment que sur Anaxarethe, Dont le corps fut en un roc endurcy Pour n'avoir eu de son amy mercy (1)! Puisse arriver qu'aux enfers descendue Tu fois en l'air tousjours, tousjours pendue, Comme Lidye, ayant comme toy, làs, Son pauvre amy conduit jusqu'au trespas (2)! Puisse arriver que n'estant respectée D'un sot mary, tu en sois mal traictée, Que ton amour toufjours aille au rebours,

- (1) Comparaison classique... Aimée d'Iphis, la belle Anaxarete l'avait repoussé si brutalement qu'il se pendit de désespoir : comme punition, les dieux indignés la changèrent en rocher :
 - ... Paulatimque occupat artus
 - · Quod fuit in duro jam pridem pectore saxum.
 - " Neve ea ficta putes, domine sub imagine signum
 - « Servat adhuc Salamis. »

Ovid. Metamorph. XIV, vers 757-760.

(2) Lydie, fille du roi des Lydiens, condamnée à un éternel supplice pour son ingratitude envers un vertueux amant (Aristote, Orland of furioso, chant XXXIV). Estant tousjours malheureuse en amours,
Que d'aymer bien tu sois tousjours blasmée
Et qu'aymant bien jamais ne soys aymée!
Ainsi par sois, transporté de courroux,
Ay-je pensé d'escrire contre vous,
Voire si bien m'eust debordé la rage

Voire si bien m'eust debordé la rage Que j'eusse escrit contre vous d'avantage, Enslant mon style avec telle sureur Que je vous eusse envoyé une horreur De vostre faulte &, pour plus grand's vangeances, Une surie avec mil repentances.

Mais quand je prens la plume en main, soudain Je me reprend, & me chet de la main:

Pourroy-je bien, si par amour extreme

Je vis en vous, me denigrer moynesme?

Voyla, mignonne, la vie qu'aujourd'huy
Pour vous je traine, ne vivant que d'ennuy:
O pauvre vie! au moins, làs, si c'est vie
Celle qui porte à la mort mesme envie!

Ah, je me meurs, & croy que de celuy
Que vous n'aymiez vous n'aurez plus d'ennuy,
Perdant en luy un ferviteur fidele!
Mais de fa mort entendant la nouvelle,
Possible encor'aurez vous de luy mort
Par un soupir quelque piteux remord.
Je n'en puis plus. Adieu, gente mignonne,
Je prie amour que ma mort vous pardonne,

Et si par luy vous ay importuné Je prie aussi qu'il me soit pardonné.

Adieu, ma Nymphe! adieu, celle que j'ayme Plus que mon cueur, que mes yeux, que moymesme! Maudicts soient ceux qui m'ayant blasonné Ont vostre cueur de mon cueur destourné!

Adieu, ma jeune & gentille maistresse:
Puisque le ciel ne m'a donné l'addresse
De vous sleschir, je vous prie n'aymer
Quelque ignorant qui ne sache estimer
Si bien que moy la grace & l'honneur rare
Qu'en vous le ciel a versé, non avare,
Ny quelque sot de vos vertus mocqueur.

Adieu, mon tout & le cueur de mon cueur!
Hà, pleust à Dieu, quand la mort palle & froide
M'aura, tantost, estendu, làs, tout roide,
Qu'un mien amy en m'ouvrant le costé
Tirast mon cueur pour vous estre porté,
Puisque vostre œil l'a desbauché naguere,
Qu'il l'a fait vostre et qu'estes sa meurtriere,
Et qu'il gravast sur mon tombeau ces vers:

Un corps sans cueur icy gist à l'envers l'ar la sierté d'une qui voulut prendre Le cueur sans plus, aimant mieux, sans le rendre, Avec deux cueurs piasser sans mercy, Qu'en donner un à ce pauvret icy.

CHANSONS.

LA RELIGIEUSE

CONTRE SON GRÉ.

Seray-je (1) tousjours ainsi En soucy? N'aura point ma peine gresve Quelque tresve? Feray-je en vain tous les jours Mil desseins, & mil discours?

Pour eschapper de ces lieux Ennuyeux Ainsi que l'oyseau sauvage Dans sa cage, Ne seray-je que chercher, Que languir & que secher?

1. Cette chanson et la suivante ont paru des 1572.

Ne puis-je pour m'alleger Degorger Ma facherie profonde Par le monde, Puis qu'aussi bien m'est osté Tout espoir de liberté?

Plaindray-je de perdre en l'air Mon parler, Perdant, ce que plus je prise, Ma franchise, Ma beauté tendre & le temps De la fleur de mes beaux ans?

Aussi bien l'œil & mon teint
Tout esteint,
Quant or je ne voudroy dire
Mon martyre,
Ne tairont les seus ardans
Oui me brulent au dedans.

Mon pere ayant chez foy fix
Ou fept fils,
Ne luy plaifant pres foy l'ombre
De ce nombre,
Il me met au rang des morts
Pour epargner fes thresors;

Il atiltre un moine fin
A cell'fin

De gaigner par beau langage
Mon simple age,

Ne ceffant de me prescher

D'un espoux qui n'est de chair.

J'estoy, quand je vins ceans,
Jeune d'ans,
Ainsi qu'une belle rose
Non declose,
Ou qu'un œillet ou qu'un lis
Qui ne sont du tout sleuris.

Pourquoy mon corps fut-il fait
' Tant parfait,
Si reclus il devoit estre
Dans ce cloistre?
Qu'y sert ma civilité,
Mon sçavoir & ma beauté?

Mon nom mourra-il icy
Obscurcy,
Comme dans l'oublieuse onde
Du bas monde?
Mon corps sera-il à tort
Enterré avant ma mort?

Si ce tort n'est reputé
Cruauté,
Mal un Empereur de Romme
On surnomme
Cruel, qui souvent les corps
Enterroit de gens non morts.

Si des miens l'arrest cruel
Estoit tel

De me rendre icy professe,
Pourquoy est-ce
Qu'ils ne m'ont fait donc avoir
Avec l'habit le vouloir?

Pourquoy mon fexe ont-ils fait
Imparfait?

Que ne m'engendroient-ils plus dure
De nature

Qu'un froid marbre ou qu'un rocher,
Non de fang, d'os, ny de chair?

O par trop noz peres vieux
Curieux,
Lesquels ont contre nature
Par grand'cure,
Et par superstitions,
Fait tant de religions!

Voit-on les brutes entre eux
Scrupuleux?
Voit-on ranger le sauvage
Au servage
De l'estroitte chasteté,
Et faire difficulté?

Ha, que ceux la soient maudis
Qui jadis
Mirent la premiere pierre
Dedans terre

"Pour eslever jusques aux cieux
Ces murs, l'esfroy de mes yeux!

Maudit foit, mil' & mil' fois,
L'an, le mois,
Le jour & l'heure premiere
Qu'à mon pere
Vint le vouloir de tousjours
Confiner ici mes jours,

Maudit le drap dont on fit
Mon habit,
Le fil dont fut fait la toille
De mon voille,
Les cizeaux qui malheureux
Couperent mes beaux cheveux!

Las, pendant qu'icy je menr
En langueur,
Mes coufins, mes fœurs, mes færes
Font grand's cheres,
Ne font, fuyvants leurs deftins,
Qu'en dances & qu'en feftins!

Mais quel crime ou quel forfait
Ay-je fait,
Ou quel tort ou quelle injure
A Nature,
Que je porte icy le faix
Des pechez que je n'ay faits?

Je ne fuis Myrrhe ou Biblis
Qui les licts
Ay voulu fouiller du pere
Ou du frere;
Onc le peché ne commis
De la grand'Semiramis:

Ce qu'en moy l'on peult blamer, C'est d'aimer
Par honneur... Voila ma faute!
Car, mal-caute,
Un gentilhomme ay trop veu
Par la gaille à l'impourveu...

- cxxvu -

Mais s'il est beau, preux, gentil,
Et civil,
S'il est parfait, & de race,
Et de grace,
Pourquoy trouve-t'on mauvais
S'il a mon cueur pour jamais?

Veult on que les fruicts plaisans
De mes ans
Soient comme les fruicts sauvages
Des bocages
Que les corbeaux ou les vers
Mangent seuls par les deserts?

Làs, que de mal & d'ennuy
J'ay pour luy!

Mais maintenant que feray-je,
Ou iray-je,
Si je n'ay aucun espoir
De l'ouir ou de le voir?

Làs, pour fortir quelque fois
Mis j'avois
Au grand Concile de Trante
Mon attente,
Mais j'en fuis trompée ainfi
Que de celui de Poissy.

Somme, c'est mon reconsort

Que la mort.

Mais quand il aviendra l'heure

Que je meure,

Que ces vers vestus de dueil

L'on grave sur mon cercueil:

Icy gist dans ce Tombeau
Un stambeau
Qui a esté sans estaindre
Et sans plaindre
Par ses parents ennemis,
Comme mort, en terre mis.

LA RUSTIQUE AMIE.

Mais qu'est-ce qu'en moy je sens, Tant mon sens Par je ne sçay quelle sorte Se transporte! Je sens, las je ne scay quoy Qui m'ard, & ne scay pourquoy. Est-ce Amour qui tient mon cueur
En langueur?
Las, consesser je ne l'oze,
Mais c'est chose
Bien dure d'avoir ces seus,
Qui cuisent plus, estans teus.

Je ne sçay d'où vient ce seu
N'en quel lieu
Il fait dedans moy pauvrette
Sa retraicte,
Je diray bien qu'autresois
J'ai veu que je ne l'avois.

C'estoient tous mes passe-temps
Que les champs,
Que les festes & mariages
Des villages,
Qu'à dancer, au soir, à l'huis,
Qu'à chanter veillant les nuics.

Souvent de m'endimancher
J'avois cher,
Et au marché par la rue
D'estre veuë,
D'acheter ou corsets bleus,
Demi-ceints (1), ou rubans neuss!

(x) Ceinturons d'argent, à l'usage des femmes.

Chaque berger me plaisoit

Qui disoit

M'aimer & que j'estoy'belle:

Comme telle

Le premier branle j'avois.

Dont plaisir je recevois.

Mais maintenant je ne íçay
Ce que j'ay,
Plus à moy je næ refemble,
Ce me femble:
Je pers repas & repos
Et maintien à tous propos.

Chacun qui voit que mon teint,
Tout esteint,
N'a plus sa rose vermeille
S'enserveille,
Et dit: C'est d'amour, Margot,
Mais il n'oze dire mot.

C'est un grand cas que d'amour l Tout le jour Je frotte mon bras, je bâille, Je travaille, Je vais puis bas & puis hault, Et de rien il ne me chault, Le plaisir qui à tous plaist Me deplaist, En un lieu je ne demeure Un quart d'heure, Je hay les lieux où je suis, Et m'aime où estre ne puis;

Si quelqu'un devise à moy,
Je ne l'oy
Ou la response me couste;
Si j'escoute
Je ne sens froid, chault, ny saim.
Je meurs ayant le corps sain.

Je ne puis ny forameiller, Ny veiller, Ou fi la nuich je forameille Je m'efveille, Et n'embraffe que du vent Au lieu de l'amy absent.

Si je ne voy tous les jours

Mes amours,

Je feche, on fus ma couchette

Je me jette,

Ou je fors mil iois a fin

De les trouver an chemin.

Mais ne pouvant ce que j'ay
Dire au vray,
Je diray bien, mal apprise,
A ma guise,
Le temps, le lieu, & comment
J'eus ce mal premierement.

Moy d'aage propre à l'amour Vins un jour, Avec tout le voisinage Du village, Aux nopces & au festin De Michau & de Catin.

Là je vis fans y songer
Un berger
Qui m'aimant me fit malade
D'une œillade
Qu'en guignant il m'adressa,
Et me blessant se blessa.

Ha (possible) qu'au banquet
D'un bouquet
Ou bien d'une herbe qu'on cueille
En la veille
D'un saint il m'ensorçela,
Mais je crois n'estre cela.

— CXXXIII —

Sa grace & ses habits neuss
Furent seuls,
Et sa bonne contenance
A la dance,
Avec un mot dit tout bas,
Qui me charmerent, helas!

C'estoit le plus gracieux
Et le mieux
En poinct de tout le village,
Son corsage
Et les plis de son sayon
Venoient au branle & au son.

J'ayme plus que luy deux fois,
Toutefois

Je fay vers lui la farouche,
S'il m'approuche
Pour me dire un mot d'amours
Je tourne le dos toufjours.

Je ne poursuy rien que luy
Et le suy;
Bref celui que je rejette
Le souhaitte,
Tant la honte, helas, je crain.
C'est grand cas d'un honneur vain!

Malheureux qui pour luy pert!

Mais que sert
Un bel amy sans qu'ensemble
On s'assemble,
Que sert le lieu, le loysir
Et le temps, sans le saisir?

Que fert l'amour fans effect Qui ne faict Que martyrer davantage? Que fert l'aage En fa verdeur qui t'enfuit, Sans en cueillir le doux fruit?

Je voy par foys mon amy
A demy
Hors du fens courir la rue...
Sa charrue,
Ses champs, fes bœufs, fon labour
Il quitte pour mon amour...

Il veult aller au devin
A cell'fin
De fçavoir qu'il pourroit faire
Pour deffaire
Ce fort d'amour qui ainsi
Le fait secher de soucy.

Il a fait tourner le fas (1),
Fait mil pas,
Fait mille tours, fait merveille,
Car la veille
De Sainct Jean couppa le jonc (2),
Mais il m'advint le plus long.

Sotte & lourde que je suis

Qui ne puis

A mon amy satisfaire,

Dire ou faire

Mon vouloir, mais qui le mets

En desespoir desormais!

Mais si jamais à mon vueil,
D'un coing d'œil,
D'un soupir ou d'un soubs-rire,

⁽¹⁾ Cet usage de consulter un sas ou crible pour connaître l'avenir était fort ancien et fort répandu. Dans l'antiquité, on disait: Cribro divinare. Les statuts synodaux de Saint-Malo en 1618 et d'Agen en 1673 condamnent formellement la coscinomantie ou la divination au moyen des cribles ou sas (V. Traite des supersitions, par J.-B. Thiers, curé de Champrond, édition de 1697, t. I, p. 218).

⁽²⁾ Le jonc, qu'on peut interpréter par la jônée ou jeannée. La veille de la Saint-Jean, on coupait du bois et on en faisait des charbons; une fois la jônée consumée, les enfants passaient trois fois sur le feu, et alors chaque assistant brisait le charbon ou camochon et en emportait soigneusement chez lui un morceau plongé dans l'eau bénite (Glossaire du centre de la France, par M. le comte Jaubert, v^{*} jônée. — J.-B. Thiers, op. cit., p. 301).

— cxxxvi —

Je l'attire, J'osteray tel entretien, Luy disant qu'on l'ayme bien!

CHANSON I.

Allez, Soupirs, allez voir la plus belle Que je vis oncq! vous estes plus heureux Que moy, chetif, qui pour l'absence d'elle Ne suis plus moy, tant je suis langoureux. Vous luy direz, si le temps ny les lieux, Autre beauté, la guerre, ny l'absence N'ont de mon cueur esfacé ses beaux yeux, Qu'elle ait de moi pitié & souvenance.

Vous luy direz depuis qu'au bord de Loyre Ses traicts, sa grace & ses yeux j'ay laissé, Qu'amour les a fichez en ma memoire, Si bien qu'en eux de penser n'a cessé. Si donc en eux j'ay tousjours repensé, Presentez luy mon mal & ma constance; Vous luy direz, luy contant le passé, Qu'elle ait de moy pitié & souvenance.

Vous luy direz si en diverse terre
Par maints hazars, estant las du repos,
Je vins trouver & pratiquer la guerre,
Aiant jetté les armes sur le dos,
Et si de Mars la satigue & les maux
N'ont eu sur moy tant de sorce & puissance,
Que de la rendre absente en mes travaux,
Qu'elle ait de moy pitié & souvenance.

Vous luy direz si, combattant en trouppe Pour mon païs, ma vie & mon honneur, Sur mon cheval je porte amour en crouppe, 'Qui me fournit de force & de valeur, Et si tousjours je l'ay presente au cueur, N'apprehendant la guerre, ny de France L'erreur si grand, la perte & le malheur, Qu'elle ait de moy pitié & souvenance.

Vous luy direz si, couché sur la dure Au froid, au vent, à la pluye & au chault, Plus que ma sorce & ma santé j'endure, Et si de rien que d'elle il ne me chault, Et si pensif quelquesois il me fault Accommoder avecques l'ignorance Dont la piasse ennuye un cueur plus hault, Qu'elle ait de moy pitié & souvenance.

Vous luy direz si. resvant, je n'escoute Mes compagnons qui me tiennent propos, Si les oyant, la response me couste, Si je pers grace, & repas, & repos, Si je n'ay cure & de chiens & d'oyseaux, Si le plaisir me tourne en desplaisance, Mais si pour elle j'ayme armes & chevaux, Qu'elle ait de moy pitié & souvenance.

Bref, si l'amour plus que la guerre dure, Bref, si son cueur n'a fait mentir ses yeux, Et si sa voix l'asseura, je m'asseure Que mon retour ne sera ennuyeux. Puis que de nous l'amour n'est vicieux, Luy presentant mon mal & ma constance, Vous luy direz, soit que j'aille en tous lieux, Qu'elle ait de moy pitié & souvenance.

CHANSON II.

Chaque amant en ce beau temps Du printemps,

- CXXXIX -

Nonobstant les pleurs de France, Vit gaillard en mil esbats, Mais moy, làs, le ne vis qu'en desplaisance!

La terre en fon bel atour
Fait l'amour,
De froid naguere herissée,
Et de mil & mil couleurs
Qu'ont les fleurs
Vest sa robe damassée:

Mais moy presque en desespoir,
D'habit noir,
Pour monstrer ma grand'destresse,
Je me vests, au lieu de sleurs,
Et en pleurs
Je consume ma jeunesse.

Les oyseaux font, amoureux,
Nopce entre eux,
Du bec, du chant & des ailes,
Mais, triste & seul, par les bois
Je m'en vois,
Chantant mes plaintes mortelles.

Des fleurs le taint croist vermeil, Au foleil, Pres d'un azuré rivage,
Mais au milieu du printemps
De mes ans,
Je rend palle mon visage.

Du rossignol j'oy la voix,
Qui aux bois
Dit les plaintes de Philomele,
Mais moy d'une autre saçon,
En doux son,
Je plains & la mort appelle.

Que me sert au renouveau

L'air si beau

Et de voir rire la terre,
Si d'amour les soings cuysants

Que je sens

Me renouvellent la guerre?

Si mesmes du ris d'autruy

J'ay ennuy,

Et le ciel m'est si contraire

Qu'il eclipse mon printemps

Par un temps

D'hyver, noir & solitaire?

Si quelqu'une en grand'rigueur Tient mon cueur, Si d'âge elle est si jeunette Que sans vouloir m'escouter Ny gouster Tout amour elle rejette?

Or comme, en ceste saison,
D'un bouton
Sort la rose avec l'aurore,
Ainsi croist en cruauté
Et beauté
La jeune sleur que j'honore.

Hà, nymphe trop jeune d'ans
Qui n'entends
L'heur ny le bien d'amour vraye,
Qui ne te chauls aujourd'huy
De celuy
A qui tu fais fi grand'playe!

Quand or tu surpasserois

Les grands Roys
En honneur, grace & richesse,
Tu ne dois moins t'estimer

Pour m'aymer,
Fusses tu Royne ou duchesse!

C'est moy qui puis jusqu'aux cieux, Si je veux, Par une ryme immortelle Hauffer fi bien ton renom Que ton nom Sera d'une nymphe belle.

Que fert l'honneur de vertu S'il est teu? Si rien n'est cher que la gloire, Que sert d'acquerre en beauté Chasteté, Et l'honneur n'en est notoire?

Mais qu'en amours je suis ne Fortune! Faut-il donc que je pourchasse Celle qui suit, & qui prend, Et ne rend, Mon cueur captif de sa grace?

Faut-il moy-mesmes hair,
Pour servir
Celle qui n'ayme & ne prise.
En moy vertu ny valeur,
D'autre cueur
Estant mon amour requise?

Mais si je n'ay plus d'espoir De la voir, Que feray-je, ô miserable! Dois-je, n'estant guere aymé N'estimé, Esperer d'estre agreable?

Celuy qui s'empestre, helas,
Dans les laqs
D'amour, chetif se peut dire,
Car lors qu'il tasche le plus
De sa glus
Eschapper, moins s'en retire.

Pour la quatrieme fois
Le François
Sent la guerre en ses entrailles,
Mais plus de maux discordans,
Au dedans,
Je sens, & plus de batailles.

Pour finir tant de discors,
Et de morts,
Comme autresois que ne suis-je!
Entre mil fers, tout saigneux!
Plus heureux,
Je mourrois ou je m'afflige.

-- CXLIV --

A Dieu donc, nymphette, à Dieu,
Puis qu'au lieu
D'estre à mon tourment piteuse,
Tu me donnes pour confort
Une mort
Trop cruelle & douloureuse.

CHANSON III.

Puisque je pers & temps & peine, Je veux dire au moins mon tourment, Et par une complainte vaine Rendant ma playe à tous certaine Me donner un allegement:

Mais de qui premier dois-je faire Mes plaintes? du ciel ou de moy? Du ciel qui m'est, làs, si contraire, Ou de moy dont ne puis distraire Les desirs, ny leur donner loy?

Je suis martyr de la maniere Qu'est ce pauvre Tantal la bas, Car moy gesné de soif meurtriere Je voy une belle riviere, L'eau je touche, & si ne boy pas.

Bref, je voy, je parle, je touche, Mais que sert cela sans effect? Que sert d'une beauté l'approuche Puisqu'elle, non plus qu'une souche, D'un seul bien ne me satisfaict?

Que me sert sçavoir son courage Qui peut m'aymer secrettement, Si n'en voy quelque tesmoignage, Comme si c'estoit advantage Penser qu'elle ayme seulement?

Que sert l'occasion ouverte Si employer on ne la veut? Que sert le temps dont l'on fait perte? Que sert d'estre en sa fleur plus verte Si les plaisants fruicts on n'en cueult?

Que me fert tel amour sauvage . Qui ne fait que dissimuler Et que martyrer d'avantage, Tandis l'enfuit le temps & l'àge Qu'on ne peut jamais r'appeler.

Il n'est point semblable tristesse Au monde que celle qu'on sent D'avoir perdu par sa simplesse Les beaux plaisirs que la jeunesse Donne en son printemps si plaisant.

J'ay beau pour fleschir d'avantage De me rendre aymable & d'aymer, D'user de gracieux langage, D'estre en amour secret & sage, Mais ce n'est que me consumer.

C'est grand cas de ceste rebelle! Tant plus, làs, elle s'apperçoit Que je seiche pour l'amour d'elle, Plus me suit & plus m'est cruelle, Et tousjours elle me deçoit.

Mais si d'elle je me retire, Fasché d'un si penible joug, Incontinent elle m'attire Ou d'un œillade ou d'un soubs-rire, Pour m'abuser encor un coup. Elle est comme la rose franche Qu'un jeune pasteur, par oubly, Laisse flestrir dessus la branche Sans se parer d'elle au dimanche, Sans jouir du bouton cueilly.

Bref, il faut que je m'en depestre, Si de bref ne veut m'alleger; Je croy qu'expres Dieu m'a fait naistre Pour fleau ce monstre champestre, Que je ne puis dessauvager.

De l'aymer trop on me deprise, Il la faut doncques laisser la, Puisqu'elle est si mal apprise De ne soussirir qu'on l'ayme et prise, Veu que rien ne couste cela.

Ma vraye amour, ma servitude L'age, & le temps qu'on tient si cher, Pleurs & souspirs, qu'ingratitude A guerdonnez, un cueur plus rude Eussent sleschy, voire un rocher.

Or qu'elle change de nature, Pour voir un peu que je ferois, Desormais ne m'estant plus dure, A vostre advis? Je vous asseure, Plus que jamais je l'aymerois.

LE BLASON

DE LA MARGUERITE (1).

CHANSON IIII.

En apvril où naquit Amour J'entray dans son jardin un jour,

(1) Jean de la Taille était trop de son temps pour ne pas chanter Marguerite de Valois; il n'a pas failli à ce devoir et il a dédie à cette belle inspiratrice un autre Blason de la Marguerite, à la suite du Blason des Pierres précieuses, où il joue sur le sens latin du mot Margarita, — pierre précieuse.

Quant à la beauté qui nous a valu la jolie ballade que voici sur la marguerite, fleur, à peine osons-nous chercher à soulever d'une main indiscrète le voile dont le poète a entouré son idéal. Pourtant nous voyons dans l'Élégie V que Jean de la Taille, étant au camp, apprit la mort de l'objet de ses amours. Dans les Premiers fonnets d'amour (sonnet IV), il adore, pendant cette campagne, une nouvelle beauté, Jeanne du Plessis, croyons-nous, qu'il put connaître îors de sa campagne

- cxlix -

Où la beauté d'une fleurette Me pleut sur celles que j'y vis :

de 1568 en Touraine. Ainsi l'amour pour Marguerite n'a dû se produire qu'en 1569 ou 1570, le blason ayant été imprimé en 1572.

Nous voyons apparaître ce nouveau nom à travers les désespoirs de l'Élégie VI, où le poète parle de

• Ceste steur, lds, qu'en valeur & beauté Vous surpassez & que je porte escritte Au cueur, estant la steur des steurs d'elite...»

Cette jeune fille à laquelle le poète propose et vante son alliance habitait évidemment son pays et faisait partie de sa société habituelle :

... • Il m'est tousjours advis

Qu'avec vous j'erre ou que j'oy vos devis...

Et celle porte à moy tousjours revient

Où vous laissay, ains me laissay moy mesme...

(Même élégie).

et si la chanson I s'adressait λ elle, c'est λ elle qu'il faudrait dire ce que lui disent e les soupirs ν :

« Vous luy direz depuis qu'au bord de Loyre Ses traids, sa grace & ses yeux j'ay laisse, Qu'amour les a sichez en ma memoire... »

Elle était fort jeune :

Si d'age elle est si jeunette
Que sans vouloir m'escouster
Ny gouster
Tout amour elle rejette...
Ha, nymphe, trop jeune d'ans,
Qui m'entends

(Chanson II).

Je suis martyr d'aymer une jeune ignorance!...
(Deuxièmes Sonnets d'amour, sonnet VI).

L'heur ny le bien d'amour vraye !...

Ce ne fut pas la paquerette, L'œillet, la rose ny le lys, Ce fut la belle Marguerite Qu'au cueur j'auray tousjours escritte.

Elle ne commençoit encor Qu'à s'eclorre, ouvrant un fond d'or. C'est des fleurs la fleur plus parsaitte, Qui plus dure en son taint naïs Que le lys, ny la violette, La rose, ny l'œillet plus vis ! J'auray tousjours au cueur écritte Sur toutes fleurs la Marguerite!

Les uns louront le taint fleury D'autre fleur, dès le soir flestry, Comme d'une rose tendrette Qu'on ne voit qu'en un mois fleurir:

Sans être duchesse,

· Fusses-tu royne ou duchesse..., »

(Chanson II)

elle était bien née :

e J'ayme & j'honore & sa race & sa grace. . (Chanson, après la mort d'Angélique).

Quant à son nom, il est renfermé dans ces deux anagrammes qui le laissent à deviner :

> Tu gueris d'amour mérité. Estime l'heur de grace.

Mais par moy mon humble fleurette Fleurira tousjours sans flestrir: J'auray tousjours au cueur écritte Sur toutes fleurs la Marguerite.

Pleust à Dieu que je peusse un jour La baiser mon saoul & qu'Amour Ceste grace & saveur m'eust faitte, Qu'en faison je peusse cueillir Ceste jeune sleur vermeillette, Qui croissant ne sait qu'embellir! J'aurois tousjours au cueur écritte Sur toutes sleurs la Marguerite.

SONGE.

CHANSON V.

Au mois de May propre à l'amour Entre les fleurs m'estant un jour Endormy, couché sur l'herbette, Je song ay qu'en chassant je voy Fuir devant moy une nymphette, Emportant mon cueur avec foy;
Dont l'œil me pleut tant & la grace
Que je la fuy', quittant la chasse.

Mais la suyvant à mont, à val, Soubs moy, de malheur, mon cheval Tomba mort dessus les sleurettes... Qui fut sasché? Ce fut moy, las, Perdant de l'œil mes amourettes, Et me voyant à pied fort las: Mais auprès de moy d'aventure Amour m'adresse en vain monture.

Il me monstra en un beau pré
De mil fleurettes diapré
Une pouliche, si farouche
Que je ne sçeus oncq'l'emboucher;
Oncq' n'avoit eu de mors en bouche,
Elle ne faisoit que moucher,
Courant les champs & la prairie,
Comme une jenisse en surie.

Petite pouliche, pourquoy, Ce luy dis-je, fuis-tu de moy, Ne veux-tu, las, que je te touche, Me guignant de ton œil mauvais? Mais tant plus tu vois que j'approuche, Et plus au galop tu te mets: Arreste un peu ta course prompte, A celle sin que je te domte.

Je ne suis si rude escuyer
Que bien n'entende à manier
A bond, à sault, voire à courbette,
A passade & à toute main,
Que je n'entende, ma doucette,
A te rendre bien le doux frain,
Arreste un peu ta course promte
A celle sin que je te domte.

Ton petit ceil a pris mon cueur, Ne crain que je sois lourd piqueur a Mais ainsi que je luy remonstre, Voicy survenir en ce lieu Un sier veneur qui la rencontre, Qui la sorce avec son espieu D'aller bien loing ailleurs paistre Entre rochers & bois champestre.

Pour la secourir au besoing J'eusse volontiers, l'arme au poing, Hazardé ma vie si triste; Mais avec l'espieu ce veneur M'ouvre le flanc à l'improviste,

Avec elle emportant mon cueur:
Ceste grand' douleur nompareille
Fait qu'en surfaut je me réveille.

LE BLASON DE LA ROSE.

A DAMOYSELLE ROSE DE LA TAILLE

SA COUSINE (I).

Aux uns plaist l'azur d'une seur, Aux autres une autre couleur : L'un du lys, de la violette, L'autre blasonne de l'œillet Les beautez, ou d'autre seurette L'odeur ou le teint vermeillet : A moy sur toute seur déclose Plaist l'odeur de la belle Rose.

(1) Rose de la Taille, troisième enfant de Louis de la Taille de Hanorville et de Jeanne de Hallot qui était veuve en 1545. Elle épousa Robert de Boisfour, seigneur de Charmont. Louis de la Taille était le second fils de Jean de la Taille des Essarts, huitième enfant lui-même de Martin de la Taille, gentilhomme ordinaire de la duchesse d'Orléans, mort à 80 ans en 1488 et aïeul du poète (Généalogies manuscrites).

J'ayme à chanter de ceste fleur Le teint vermeil & la valeur Dont Venus se pare, & l'Aurore De ceste fleur qui a le nom D'une que j'ayme & que j'honore, Et dont l'honneur ne sent moins bon : J'ayme sur toute fleur déclose A chanter l'honneur de la Rose.

La Rose est des sleurs tout l'honneur, Qui en grace & divine odeur Toutes les belles sleurs surpasse, Et qui ne doit au soir slessrir Comme une autre sleur qui se passe, Mais en honneur tousjours sleurir: J'ayme sur toute sleur déclose A chanter l'honneur de la Rose.

Elle ne deffend à aucun
Ny sa veuë, ny son parsum,
Mais si de saçon indiscrette
On la vouloit prendre ou toucher,
C'est lors que sa pointure aigrette
Monstre qu'on n'en doit approcher:
J'ayme sur toute fleur déclose
A chanter l'honneur de la Rose.

CANTIQUE A DIEU,

SUR LA MORT

D'ANGÉLIQUE DE LA TAILLE, SA SŒUR.

Puisque le temps, les astres & les cieux,
Tous conjurez, ce semble, à mon malheur,
M'ont adjousté dueil sur dueil, pleur sur pleur,
Misere sur misere:
Pleurs & soupirs, faittes que de mes yeux
S'élance une riviere!

O souverain Moteur de l'univers, Jusques à quand as tu deliberé De m'oublier, moy, làs, desesperé, Me bannir de ta grâce, Me chastier, me guigner de travers Avec hydeuse face!

Jusques à quand m'as-tu abandonné, De m'affliger n'estant point encor las ? N'estoit-ce assez qu'en un jour tu m'ostas

- CLVII -

Par la peste deux freres

Dont le sçauoir eust Paris estonné,

Comme estant deux lumieres!

N'estoit-ce assez de m'avoir separé
L'aisné des deux qui estoit ma moitié!
D'avoir encor separé l'amitié
D'une parfaitte amie,
De qui j'estois aymé & honoré,
Et qui n'est plus en vie!

N'estoit-ce assez m'avoir perfecuté
De mal, d'ennuy & de guerre en deux ans,
Avecque perte & d'amis & de temps,
De santé & de joye,
M'avoir blessé & par terre porté,
Froissé & mis en proye!

N'estoit-ce assez d'empescher mon renom Et mes desseins, si encore, Seigneur, Tu ne m'ostois le vray cueur de mon cueur? C'est, las, ma sœur unique, Dont l'amour vray & la vie & le nom Fut vers moy Angelique; Tu ne m'ostois, dis-je, ma propre tent,

Qui en mon mal, en mon affiction,

Estoit mon bien, ma consolation,

M'aymoit plus que sa vie,

Que j'aymoy plus que ma vie & mon cueur,

M'estant sœur & amie.

Tu ne m'ostois en sa plus belle steur,
Prenant pour toy le fruict tant esperé,
Celle qui m'a à la mort respiré
En ses tourmens extremes,
'Tu ne m'ostois ma vie en grand'douleur,
Ains mon second moy mesmes.

Comment pourray-je, ô Seigneur, supporter
De nos deux cueurs la feparation,
Si mon cueur n'a par toy discretion,
Veu l'ennuy qu'il endure,
S'il n'a par toy constance à la porter,
Afin qu'il ne murmure?

Helàs, Seigneur, avois-tu tout expres Orné son corps de vraye chasteté, D'esprit gentil, de grace & de beauté, D'amour, de courtoysie,
Pour d'avantage augmenter nos regrets
Quand tu l'aurois ravie ?

As-tu voulu attendre à l'appeller

Lors qu'on vouloit luy choisir un epoux
Pour estre au ciel le sien, comme jaloux
Qu'autre en eust jouissance?

Comme aux mortels il te plaist de celer
Ta haute providence!

Tu es donc morte, ô chere sœur, sans moy;
Mais s'il eust pleu à Dieu m'appeller lors,
Je susse heureux où je meurs de mil morts
Pour ta mort violente,
Tant m'importune un souvenir de toy
Qui tousjours se presente.

Tu fais grand gain & grand'perte je fais,

Mais puis qu'en Dieu, par son ordre estably,

Tu meurs devant, je ne veux qu'en oubly

Ton amour soit esteinte,

Ains en mon cueur j'auray de tes biensaits

La souvenance emprainte.

Tu m'as aidé à porter maint ennuy
Dont je venoy chargé de quelque lieu,
Aydé d'avis, aydé à louer Dieu,
A supporter d'un pere:
Mais ou pourray-je aller querre aujourd'huy
Confort à ma misere!

Las, quel plaisir auray-je ou quel confort,
Vivant sans toy, en prosonde douleur!
Mais, pour le moins, Adieu te dis, ma sœur,
Adieu, & garde en sorte
Nostre amitié que mesme apres ta mort
Elle ne soit point morte.

CHANSON.

C'est trop pleuré, c'est trop suivy tristesse,
Je veux en joye ébattre ma jeunesse,
Laquelle encor comme un printemps verdoye :
Faut-il tousjours qu'à l'estude on me voye?
C'est trop pleuré.

Mais que me sert d'entendre par science Le cours des cieux, des astres l'influence, De mesurer le ciel, la terre & l'onde, : Et de voir mesme en un papier le monde? C'est trop pleuré.

Que fert, pour faire une ryme immortelle, De me ronger & l'ongle & la cervelle, Pousser souvent une table innocente, Et de ternir ma face palissante? C'est trop pleuré.

Mais que me sert d'ensuyvre en vers la gloire Du grand Ronsard, de sçavoir mainte histoire, . Faire en un jour mille vers, mill'& mille, Et cependant mon cerveau se distille? C'est trop pleuré.

Cependant l'âge en beauté fleurissante Chet comme un lys en terre languissante. Il faut parler de chasse, & non de larmes, Parler d'oyseaux & de chevaux & d'armes : C'est trop pleuré. Il faut parler d'amour & de liesse,
Ayant choisy une belle maistresse,
J'ayme & j'honore & sa race & sa grace;
C'est mon Phoebus, ma Muse, & mon Parnasse &
C'est trop pleuré.

Digne qu'un seul l'ayme & soit aymé d'elle, Luy soit espoux, amy & serf sidele Autant qu'elle est sage, belle & honneste, Qui daigne bien de mes vers saire seste : C'est trop pleuré.

Va t'en, chanson, au sein d'elle te mettre, A qui l'honneur, qui ne me doit permettre Telle faveur, est plus cher que la vie. Hà, que ma main porte à ton heur d'envie! C'est trop pleuré.

— CLXIII —

SONNETS D'AMOUR.

A SA MUSE GUERRIERE.

Va sans moy, Muse, en Beauce avec mon pleur. Las, si quelqu'une estoit encor en vie, Tu irois la, sans te porter envie, C'estoit le but & le cueur de mon cueur!

Si quelque cueur envers toy n'est moqueur, Desire luy plus d'heur & plus de vie Que celle n'eut qui m'a esté ravie Du ciel jaloux, qui me porte rancueur.

Hà je voudroy que l'honneur m'eust permis Ainsi qu'à toy d'aller voir mes amis! Mais si quelqu'un te gaussoit d'aventure,

Defire luy malheureuses amours Ainsi qu'à moy, d'estre au froid sur la dure, Et sans argent d'estre en guerre toussours.

SONNET I.

Errant un jour mon cueur en un chasteau Fut pris par l'œil d'une Nymphe gentille,

Qui se monstroit, estant belle entre mille, De ce chasteau l'ornement le plus beau.

Du plus subtil de la terre & de l'eau Le ciel la fit de façon tant subtile Qu'en moy je sens mon merite inhabile Pour meriter un si rare joyau.

Que n'ay-je l'heur des chevaliers errants Pour luy monstrer par armes que je l'ayme Ayant plus qu'eux l'amour & le cueur grands,

Pour luy monstrer mon amour, si extreme Que, pour l'aymer et gaigner sur les rancs, Je me voudroy perdre & hair moymesme!

II.

Helàs, que sens-je en moy? Qu'est-ce qui me transporte, Qui m'egare l'esprit, & quelle ardeur nouvelle Sans toucher au dehors est dedans ma mouëlle Entrée maintenant par je ne sçay quell'porte?

Las, comment puis-je avoir une douleur si forte? Comment puis-je souffrir une passion telle? Comment ne meurs-je point, veu la peine cruelle Que mon ame gesnée incessamment supporte? Helas, comment ce seu qui tousjours se r'allume Et qui brusse sans cesse, enfin ne se consume? Que ne meur-je une sois, sans tant de sois mourir?

Que mon pleur n'estaint-il tant de seux si ardans Pour finir tant de morts que je soussire au dedans, Ou que ne sait mon seu tant de larmes tarir?

UNE DAMOYSELLE

A L'AUTHEUR.

Si ce païs pouvoit estre l'adresse De ton sejour durant toute l'année, Tu gaignerois, peut estre, une maistresse Qui t'ayme, honore, et qui n'est pas mal née:

Mais ton sejour est comme une nuée Qu'un vent guerrier fait changer de païs : Qu'elle ait au moins ton cueur estant aymée, Puisque le sien & son sens tu ravis.

RESPONSE DE L'AUTHEUR.

En tous pais peut faire sa demeurs L'homme amoureux de vertu & d'honneur & Si tel ne suis, au moins je vous asseure Que la vertu j'ayme en vous de bon cueur.

Si je íçavois avoir tant de faveur Que d'estre aymé de vostre bonne grace, Il n'est païs, richesse, ny grandeur, Que pour l'amour de vous je ne quittasse.

A ELLE.

ш.

Sage beauté, dont j'advouë estre espris, En qui reluit une belle estincelle, De celle à Dieu je rend grace immortelle A toy qui as reveillé mes esprits.

Dieu t'a fait naistre à fin qu'estant surpris De toy j'esleve à sa beauté plus belle Mes sens ravis; si toy qui es mortelle Me fais voir Dieu, en dois-je estre repris?

- CLXVH -

O chaste Amont qui deux cueurs et deux ames Unis ensemble & qui tous deux enstammes Au sainct desir de vertu & d'honneur!

Du peuple ignare accable le murmure, Qui, de vertu & d'honneur n'ayant cure, Ne peut de toy comprendre le grand heur.

SUR SON NOM RETOURNÉ.

JE PASSE HÉLÈNE D'UN SI (I).

IV.

Le Ciel vers vous si prodigue a esté D'heurs & de biens, de grace & de largesse,

(1) Nous croyons voir dans ce nom Jehanne Du Pless, cinquième enfant de Louis Du Plessis, seigneur de Richelieu, cette symphe qui w'est pas mal me, cette symphe que le poète errant rencontra dans un grand château dont elle était l'ornement, château où il put la voir lors de la campagne de Toutaine et de Poitou (1568), lors du siège de Loudun et de la bataille de Montcontour. D'après la Chesnaye-des-Bois (Dictionnaire, t. XV, dernière édition, p. 947), elle épousa Pierre Frégard.

Que vous passez Corinne de sagesse, D'honneur Lucrece, Helene de beauté:

Que vous passez celle-là de bonté Qui alaitta d'un pere la vieillesse, Car vers la mere, en vostre grand'jeunesse, Vous avez fait semblable charité:

Que vous passez en grace une deesse Sous corps humain : & mesmes pourroit-on Vous dire plus que vous dit vostre nom?

C'est qu'en passant & Corinne & Lucrece De beauté sage & Helene d'un si, Avec beauté vous estes sage aussi,

٧.

Il fait beau voir es œuvres de nature L'émail d'un pré de mil fleurs diapré, Un oyfeau peint, un ruiffeau azuré, Un arbre en fleur, un boccage en verdure.

- CLXIX -

Il fait beau voir la diverse peinture D'un païsage, au ciel l'arc bigarré, Une mer calme, un air bien temperé Voir un parterre compassé par grand'cure.

Il fait beau voir mil fleurettes decloses, Œillets & lys, violettes & roses, Un astre ardent, une vermeille aurore,

Il fait beau voir un printemps gracieux, Un cler foleil, mais je foustien qu'encore Vostre beauté est plus belle à noz yeux.

VI.

Dieu, pour monstrer en vous de sa beauté Quelque rayon, sit vos traits de mesure, Et d'une rose & d'un lys, par grand'cure, Pour vostre taint a le taint emprunté.

D'un astre il prit, pour vostre œil, la clarté, Et de pur or sit vostre chevelure, Bref il portrait en vous sa pourtraiture Pour nous attraire à voir sa deité. Il vous fit naistre à fin que nostre cueur Par la beauté qui n'est qu'une estincelle: Comprit, mortel, sa beauté immortelle.

Encores suis-je heureux en mon malheur Qu'en ceste guerre au moins j'aye cest heur De voir, passant, une beauté si belle.

VII.

Puisqu'il me fault obeir à l'honneur Et prendre encor si malheureuses armes, Adieu vous dis avec soupirs & larmes, Au lieu de moy je vous laisse mon cueur.

Mais s'il vous plaist que je soye vainqueur Et que j'acquiere au fait de mil allarmes, Avec valeur, honneur sur tous gendarmes, Baillez le vostre avec quelque faveur.

Baillez le moy, & pour l'amour de vous Je porteray vos faveurs devant tous, En quelque assault ou en quelque battaille.

- CLXXI -

Adieu encor, & que je vous embrasse : Je vous supplie en quelques lieux que j'ailse Ne m'essongner de vostre bonne grace.

UN ADIEU AUX DAMES.

VIII.

Puisque l'honneur, malle-bouche, & l'envie Me font en guerre absenter de vos lieux, Dames, il fault vous dire mes adieux : Adieu donc celle ou gist l'heur de ma vie!

Adieu l'Amour & ma douce ennemie, Adieu sa grace, adieu ses riants yeux, Larrons des cueurs, adieu cueurs gracieux, Qui m'ont, chez vous, sait tant de courtoysie.

Adieu, fur tout, celle que par raifon Je dois aymer, m'aiant en sa maison Chery longtemps: adieu vers, adieu ryme,

- CLXXII -

Adieu plaisir, adieu ma liberté, Adieu mon cueur au cueur d'une arresté, Qui, joint au mien, me rend plus magnanime.

A ELLES ENCOR.

IX.

Làs, ce pendant qu'avec vostre bel œil Vous sçavez faire à maint œil douce guerre, Nous la faisons, mais en diverse terre, Au froid, au chault & contre nostre veuil.

Et ce pendant qu'avec vostre rezeuil (1) Prenez maint cueur & le tenez en serre, Maint prisonnier nous prenons pres Sancerre, A mainte ailleurs saisant porter le dueil.

Et ce pendant qu'en joye ou qu'en musique Ou qu'en sestins vostre esprit ne s'applique, De sang humain nous paissons comme loups,

(1) C'est-à-dire résel, réseau (reticellum).

— CLXXIII —

N'oyant parler que de meurtre & carnage, De feu, de sang, d'armes & de pillage... Nostre seul bien est de penser en vous.

X.

Doux rossignol, dont la plaisante voix Fait mil fredons en musique excellente, Si de chanter aussi bien je me vante, Si comme toy je lamente en ces bois:

Va, je te pry, si lamenter tu m'oys, Vers ma maistresse, & mon mal luy presente: Par ton doux chant sléchy la, & l'enchante, Dy luy qu'avoir tes ailes je voudrois:

Dy luy tousjours que je repense en elle, En sa douceur, en sa beauté plus belle Que ce printemps, ces roses, & ces lys.

Ha, que je porte à tes amours d'envie, Car quand tu veux tu caresses t'amye, Et moy, chetif, d'elle absent, je languis!

XI.

Ayant fouffert autant d'ennuys & de malheur Que pauvre gentil-homme oncq fouffrit en sa vie, Comme un jour je pensois la sortune assouvie, Et posant le harnoys voir quelqu'une en tout heur,

Voicy, pour m'achever, nouveau subject de pleur: C'est qu'au camp j'ay bien sceu que mort me l'a ravie! Donc tu n'es plus, Maistresse, & de moy n'es suyvie, Veu que tu m'aymois plus que tes yeux ny ton cueur!

O quelle douleur j'ay de te sur-vivre au monde, Moy qui le plus chetif de tous chetifs je suis! Esprit de l'univers qui regis le destin,

Qui fais mouvoir le ciel, la mer, la terre & l'onde, N'es tu point encor las de m'affliger d'ennuys! A quelle fin, Seigneur, reserves-tu ma fin?

XII.

Quel plaisir puis-je avoir de voir en ce printemps Le vert, le bleu, le jaune en mil beaux païsages, De voir l'azur des eaux & le vert des bocages, L'email des prez fleuris & le tapis des champs:

Quel plaifir puis-je avoir d'écoutter les doux chants Des oyfeaux amoureux & les bruyants rivages, D'ouir le rossignol qui mesme en ses ramages Rechante mes regrets & mes soupirs trenchants:

Quel plaisir puis-je avoir de sentir mil fleurettes, Œillets, roses & lys, lavande & violettes, Si la guerre est tousjours, & si celle au surplus

Pour qui je desiroy de voir la paix suture Et du gaillard printemps la diverse peinture, Et pour qui je vivoy, sur la terre n'est plus?

XIII.

Puisque DIEU veult rejoindre à luy ceste beauté Qu'il monstra pour m'attraire à sa beauté plus belle, Je veux donc à luy seul, sans luy estre rebelle, Rejoindre cest amour duquel j'ay trop chanté.

- CLXXVI -

Puisque m'amour est joincte à sa Divinité, Je ne veux plus aymer nulle beauté mortelle, Sinon pour contempler la beauté eternelle, Quittant l'amour cruel, dont j'ay trop lamenté.

Je ne veux plus, sinon qu'en Dieu, & qu'en moy-mesme, Chercher contentement. Adieu donc Cupidon, Adieu son seu cuysant, sa passion extréme,

Adieu son arc, ses traits, sa trousse & son brandon: l'ay trouvé l'amour vray & parsait & suprème Duquel je ne crain point la separation.

FIN DES PREMIERS

SONNETS D'AMOUR.

SECONDS SONNETS D'AMOUR.

QUATRIN DE L'AUTEUR.

A la plus belle & gente Marguerite Qui toit en France & perle & fleur d'élite, BONDAROY donne & son livre & son cueur, N'ayant present de plus haulte valeur.

I.

Les uns diront la beauté de la rose, Que Venus sit de son sang vermeillette Quand une ronce offensa la doucette, Autres louront l'œillet sur toute chose;

Mais quant à moy sur toute fleur declose, Soit le narcys, ou soit la violette, Je chanteray l'honneur d'une fleurette Au beau jardin d'Amour naguere eclose:

J'auray tousjours en la bouche & au cueur La MARGUERITE estant des sleurs la sleur : Et pour la rendre en sa beauté parfaitte,

-- CLXXVIII --

Je voudroy tant l'arroser quelque jour, Qu'estant entré au beau jardin d'Amour Cueillir je puisse une sleur si tendrette!

SUR SON NOM RETOURNÉ.

TU GUERIS D'AMOUR MERITÉ.

II.

Si plus d'amour qu'à moy vous ay porté, Si envers vous j'ay esté si sidele, Si par mes vers vous puis rendre immortelle, Guerisses moy de l'amour merité:

Si je puis donc chanter vostre beauté Et par mon art vous saire la plus belle Qui jamais sut, sans m'estre plus cruelle, Guerissez moy de l'amour merité:

Si vous avez par vos graces encore Mon cueur martyr soustrait & maltraitté, Si j'ay tourné vostre nom que j'honore, Faittes au moins son inversion vraye, Et par vostre œil qui m'a faitte la playe, Guerissez moy de l'amour merité.

III.

Veux-tu doncques laisser en sa sleur la plus verte Ton bel âge slestrir par une nonchallance? Ne veux tu point gouster au fruict de la Jouvence, Qui, perdue, jamais ne sera recouverte?

Veux tu donc espargner ce dont on n'a point perte. Quand encor tout le monde en auroit jouissance? Pourquoy n'acceptes-tu ceste tant bonne chance, Puisque l'occasion nous a sa porte ouverte?

Crois-tu tousjours fleurir en beauté desirée? Ne crains tu point qu'Amour avec deue vangeance Ne punisse ta mine & ton orgueil farouche?

Mais comme les grifons du mont Hyperborée Veux tu garder soingneuse un thresor d'excellence, Dont tu ne jouïs point & ne veux qu'autre y touche!

IV.

Encor que vostre nom vous die que sur moy Qui vous suis serviteur si constant & sidele Regissiez vos vertus & que m'ostiez d'emoy, Nonobstant vous fuyez & ne vous chault de moy Qui vous puis honorer & vous rendre plus belle Que ces Nymphes qu'avoit Diane autour de soy.

Mais ne suis-je pas ne soubs une estrange estoille D'aymer celle qui n'ayme & de n'aymer pas celle Qui voudroit bien m'avoir pour chanter sa beauté!

Pour le moins ne veuillez vostre beau nom desdire, Mais plustost que vostre œil qui causa mon martyre Me guerisse, piteux, de l'amour merité!

A DIEU.

V.

O DIEU qui regis tout par ta grand'Providence, Si j'ayme une beauté par ta permission, Qui comme moy t'adore en ta religion, Encor que je ne sois digne de ta presence,

- CLXXXI -

Je te supply, permets de nos cueurs l'alliance, Ou bien, s'il ne te plaist, distray l'affection Que je luy porte, à fin que, franc de passion, Je pense mieux en toy & que moins je t'offense.

Si tu vois qu'avec elle je puisse d'avantage T'aymer & honorer, & moins te courroucer, Fay que tousjours je l'ayme, & l'union advance:

Mais si tu vois, Seigneur, que par ce mariage Je puisse moins t'aymer & bien plus t'offenser, Fay que l'union rompe & que plus je n'y pense.

VI.

Hà, que celuy est né soubs mauvaise influence Qui sert un cueur ingrat ou qui du Ciel conduit Ayme, sans estre aymé, une beauté qui suit, Qui d'aymer n'entend l'heur & sort encor d'ensance!

Je suis martyr d'aymer une jeune ignorance; J'ay beau la caresser, la prier jour & nuit, Et lui monstrer à nud mon pauvre cueur destruit, Elle n'a de mes maux ny de moy connoissance: J'ay beau mettre en avant les dons qu'on a des Cieux, Sçavoir, Vertu, Noblesse, estre humble & gracieux, Et pour mieux la sseschir avoir perseverance,

Elle ne respond rien; un sot luy plaira mieux. Ce pendant je ne puis d'amour suir la puissance... Ne suis-je donc pas né soubs mauvaise influence?

VII.

O cueur ingrat plus dur qu'un rocher stable, Plus dur & froid qu'un marbre ou diamant, Adieu te dis, puis qu'on meurt en t'aymant, Puisque tu m'es si dur & variable.

L'eau cave un roc avec le temps muable, Le fang de bouc resoult communément Le diamant & le brise aysément, Le marbre on sie avec l'eau & le sable:

Mais de mes pleurs, de mes plus grands fanglots, Ny de mon fang l'eau, le vent, & les flots, Ny mon tourment, ny mon humble prier,

CLXXXIII -

Ny ma vertu ne t'ont peu nullement Caver, brifer, resoudre, ny plier, Plus dur qu'un roc, qu'un marbre ou diamant (1).

VIII.

Adieu celle qu'en vain j'ay longtemps estimée, A qui plus d'amitié j'ay porté qu'à moy mesme, A qui n'ont faict pitié soupirs, ny pleur extrême, Ny langueur que je porte en la face imprimée.

Adieu celle qui deust de moy estre blasmée, Ayant un cueur de marbre & si froid qu'Amour mesme Ny mon vers n'a flechy, ny mon taint triste & blesme. Adieu celle qui veult sans aymer estre aymée:

Adieu celle qui fuit : car d'avoir trop aymé Sans party, je ne veux de tous estre blaimé. Dieu vueille qu'elle esprouve un jour ma paffion,

(1) Cette pièce a été réimprimée en 1574, à la suite du Blason des Pierres precieuses sous ce titre : Au cueur dur d'une Damoyselle. Dans cette seconde édition, La Taille a modifié ainsi le dixième vers :

Ny de mon cueur l'eau, le vent & les flots... au lieu de

Ny de mon fang etc.

Et que de Bondaroy ait plus grand'cognoissance! Je suis seur que bien tost j'auroy d'elle vangeance, Et qu'elle auroit trop tard de moy compassion.

ÉPITAPHES.

L'ÉPITAPHE D'UN SEIGNEUR FRANÇOIS QUI PARLE LUY-MESME.

Si jamais homme éprouva le malheur, Je suis celuy qu'on doit plaindre avec larmes, Moy, qui sus l'heur & l'honneur des gendarmes, Et qui, sait grand, eusse acquis grand honneur:

Si l'heur m'eust rit autant que la valeur Que j'ay monstré, au fait de mill'allarmes, De mill'combats & de mille faits d'armes, J'eusse en honneur surpassé tout seigneur.

— clxxxv —

O quel malheur qu'apres mainte victoire, Moy fur le poinct de fouveraine gloire, Meure d'un plomb fans avoir combattu!

Mais plus heureux eust esté mon jeune âge, Si ma querelle eust esté autant sage Que ma prouesse estoit grande en vertu.

L'EPITAPHE D'ANGELIQUE,

SA SŒUR,

PARLANT ELLE-MESME (1).

Si oncq'un mort pour sa grace & valeur, Pour estre mort en sa verte jeunesse, Ait merité qu'on plaigne son malheur, C'est moy qu'on doit regretter avec pleur,

(1) Cette épitaphe fut transcrite sur une plaque de cuivre dans l'église de Bondaroy, au-dessus du confessionnal; elle portait les sus-criptions suivantes: « Epitaphe d'Angélique de la Taille, fille unique de Louis de la Taille, feigneur de Bondaroy, qui gifant icy parle elle-messus. — Elle mourut le 27 de juin 1571, le 18° an de son âge. Jean de la Taille a écrit ces vers à la mémoire éternelle de sa seur unique qu'uniquement il aimoit. » (Registre de la fabrique de Bondaroy).

- CLXXXVI -

Moy qui suis morte issue de noblesse, Qui en fleur d'âge, ayant grace & beauté, Eusse, peut-estre, en vraye chasteté Passé Lucrece & Corinne en sagesse;

Moy qui fuis morte au grand regret de tous, Comme on pensoit de moy faire alliance Avec quelqu'un, mais Dieu ne veut, jaloux, Qu'autre que luy soit mon parsait epoux,

Ny qu'un mortel ait de moy jouissance: Moy qui suis morte, ainsi que bien souvent Meurt une sleur, d'un brouillard ou d'un vent, Fleur qui d'un fruict donnoit grand'esperance.

Moy qui suis morte en ce temps malheureux De fer, de feu, de guerres, & de vice, De moy non digne, au grand regret de ceux Qui ont cognu qu'en mon cueur genereux

Oncq'ne log'a rancune ny malice, Ains l'amour vray dont j'aimay plus que moy Un frere amy qui m'aymant plus que foy De m'honorer de ces vers fait office.

Moy qui suis morte au grand regret de luy Qui maintenant, avecques pere & mere, Croyant qu'en moy soit perdue aujourd'huy De leur maison l'honneur & l'appuy, Pleure & se denlt, se plaint & desespere... Mais, frere, es-tu sur mon ayse envieux, Moy qui jouis de la beauté des cieux, Rejoincte à DIEU, quitte de ta misere?

. Tu seras joinch, & le tien pour certain, Un jour à moy, qui suis en Dieu ravie : Ne pleure donc ta perte ny mon gain : Tout ce tien pleur & ce tien monde est vain.

Si tu m'aymois plus que toy, nulle envie Tu ne voudrois porter à mon grand heur : Mais l'interest de toy cause ton pleur, Non moy qui suis plus que tu n'es en vie.

AUTRE EPITAPHE.

Puis qu'en France aujourd'huy n'abonde que soucy, Que vices, que langueur, que misere eternelle, Dieu en a retiré celle qui gist icy, Voyant que ce saux siecle estoit indigne d'elle :

Et puis que les humains l'ont nommée Angelique, Dieu & les Cieux voyant qu'un tel nom meritoit, Pour estre belle & sage constante & pudique, L'ont fait jouir de l'heur que son nom promettoit.

— CLXXXVIII —

ESTREINES A UNE DAMOISELLE

DONT LE NOM TOURNÉ PORTE :

ESTIME L'HEUR DE GRACE (1).

Le Ciel m'ayant pour vous voir amené M'a fait vous voir de graces si ornée Que je n'ay rien, ayant l'ame estonnée, Digne de vous pour vous estre donné:

J'offre sans plus vostre nom retourné Et de mon cueur je vous eusse estrenée, Mais il n'est mien, vostre grace bien née, Vostre œil si beau l'a conquis & gaigné.

Estant la perle & fleur des Marguerites, Que puis-je offrir digne de voz merites? Dois-je donner des fleurs à une fleur?

A une perle offrir des perles mesmes? Je ne vous puis, aiant desjà mon cueur, Mieux estrener que vous donner moy-mesme.

⁽¹⁾ Cette pièce et les deux suivantes ont été imprimées à la suite du Blason des Pierres précieuses (Paris, L. Breyer, in-4°, 1574). — V. page CXLVIII, note.

D'UNE DAMOISELLE SÇAVANTE

A L'AUTEUR

CONTRE LES MÉDISANS.

Ceux qui ont peu, Bondaroy, te congnoîftre Ne sçauroient trop t'avoir en bonne estime; Tu as l'esprit aux sciences adextre, Qui en sçavoir est presques un abisme.

Dieu t'a vrayment gentilhomme fait naistre, Tu écris bien soit en prose ou en rime, Tandis tu as en maint lieu sait paroistre De ta vertu maint esse magnanime.

Le Ciel t'a fait en tes mœurs debonnaire, Voire humble a tous & pour en toy se faire Emerveiller t'a fait naistre icy bas;

Cestuy la donc n'a point d'yeux ni d'oreille Ny point d'esprit qui de toy ne sait cas Ou qui en toy du Ciel ne s'emerveille.

RESPONCE DE L'AUTHEUR

A LA DAMOYSELLE.

L'esprit qui peut vostre esprit grand congnoistre Ne s'ebahyt de vos vers, mais de quoy N'avez choisy meilleur subject que moy Qui ay l'esprit & lourd & mal adextre:

Mais vous que Dieu si gentille a sait naistre, Vous addressez à moy, comme je croy, Qui suis si peu & qui bien me congnoy Pour saire mieux vostre sçavoir paroistre:

Vous ressemblez ces prodigues d'honneurs Qui a credit louent ces grands seigneurs, Mais c'est à fin qu'ils se rendent louables...

Ainsi vous plaist me prester un sçavoir, Mais c'est à sin que je tache à l'avoir Pour faire un jour vos honneurs veritables.

UNE JEUNE DAMOYSELLE

A L'AUTHEUR.

Ceux qu'il vous plaist honorer par vostre art Ne sçauroyent trop d'iceluy faire estime, Veu que ceux-la qui n'y ont point de part Admirent tous une si douce ryme,

Vous souhaittant autant d'heur en l'adresse De quelque belle & gentille maistresse Que vaut de vous la vertu magnanime Et que le Ciel vous a fait de largesse.

J'espère sans espoir.



- CXCII -

L'AUTHEUR A LA MORT (1).

Puis qu'au moins j'ay parfait ce mien petit ouvrage, Je ne doibs plus, ô Mort, de toy me soucier. Vien, vien quant tu voudras, je te puis dessier Que tu puisses jamais à mon nom faire outrage!

Quoi? me pensois-tu donc laisser sans tesmoignage De n'avoir onc'vescu, & de moi trionser? Doncques me pensois-tu, ô meschante, estouser, Comme mon jeune srere, au plus vert de son age?

Maugré toi, nous vivrons! car, publiant ses vers, Je le pourray vanger de toi, fausse Chymere, Puisqu'au moins par ta faulte icy je vis encor!

Maugré toy je diray tel meurtre à l'univers, Departant ce que j'ay d'immortel à mon frere, Ainsi que sit Pollux à son frere Castor.

(1) Tiré de l'édition de 15-2.



•

				-				
	•							
•	•			•	••			
	• .		•					
	,							
		•				•		
	-							
				•				
							;	
•								
•		••	1					
	•							
•							•	
						•		
			•					
								•
•								
	•	•						
							.✓	
							•	
	•							
	. •							
•				-			,	
							1. !	

